

四庫全書

集部

欽定四庫全書

集部

四六標準卷三十三

詳校官庶吉士_臣何道沖

主事_臣呂雲棟覆勘

總校官進士_臣繆琪

校對官助教_臣羅萬選

謄錄監生_臣倪景寬

欽定四庫全書

四六標準卷三十三

宋 李劉 撰

宰

宋建隆元年應天下諸縣除赤畿外有望繫上中下掌總治民政有戍兵則兼兵馬都監或監押三

年始以朝臣為知縣或參用京官自大理正奚嶼監察御史王祐等始或幕職為之天聖間天下多缺官而令選尤猥下為清流所不與久不得調乃為縣令人數言其病民乃詔為舉法以重令選凡知州轉運使歲舉見任判司簿尉有罪非賊私有出身三考無出身四考堪為令者一人或三人自是人重為令令選稍精慶厯間詔天下知縣非鞫獄母得差自政和以來重內輕外人輕縣令之選吏部兩選不注者甚多精廉初詔初改實必為縣紹興七年詔寺監丞簿等任滿已改官人未歷民事者各與堂除知縣一次

借緋九年詔自後縣令差文臣乾道二年御筆自今
非兩任縣令不除御史慶元初詔除殿試上二名省
元外竝作邑自後雖宰相子
殿試科中人無宰邑者矣

通寧鄉周知縣

瓌○李時為邑簿寧鄉見二十九
卷首條

學道愛人願效縣公之役

左傳諸侯縣公皆慶寡人注
縣公楚縣大夫冊府元龜云

縣令魯謂之宰仲尼為中都宰是也齊謂之大夫齊威
王封卽墨大夫烹阿大夫是也楚謂之尹沈尹戌為方
城之外縣尹是也亦謂
之公葉公諸梁是也
會計試吏冒干簿正之供是非

尋常之託根

八尺曰尋倍尋曰常宋廣平梅花賦序鳴
呼斯梅託根非其所山谷詩江梅有佳實

託根桃
李場

請栽四六而張本

左傳杜注豫為後地曰張本
荀崧傳左丘明張本繼末發

明經意
多奇偉

恭惟某官人門具美

陳書蔡凝傳高宗謂凝曰我欲用義興主壻錢肅為

黃門郎卿意何如凝正色對曰黃散之職故須人門兼美惟陛下察之東坡詩清朝固多士人門子皆冠天

分素高

分去聲集韻分劑限量也晉書列女傳謝道韞譏弟玄學植不進曰為塵務經心為天分有限

耶家聲蚤著於魁三

杜詩爾家最近魁三象時論同歸尺五天

世德不專於

爵一安劉必勅

高帝紀周勃厚重少文然安劉氏者必勅也

破操在瑜

江表傳劉

備住樊口乘單舸往見周瑜問戰卒有幾瑜曰三萬人備曰恨少瑜曰此自足用豫州但觀瑜破之學配

前聞肯俯貪于蝸蚓

尚書追配於前人新唐書選舉志取士試之小道而不以遠大是猶

以蝸蚓之餌而望吞舟之魚不亦難乎所以食垂餌者皆小魚就科目者皆小執

律設大法謂

徑掣於鯨鯢

卓茂傳律設大法禮順人情杜詩或看翡翠蘭苔上未掣鯨鯢碧海中

居然

婆娑

爾雅婆娑舞也詩市也婆娑又婆娑其下陶侃傳老子婆娑正坐君輩梁書止足傳贊懷祿眇龍婆

娑人

尚此槃礴

槃礴閒定貌莊子畫史解衣槃礴

得非堅車大艦利用

遠遊寧有巨棟脩梁驟堪轉致頗聞三異具見一同

見前

非百里材姑繞蟻封而試馬

蜀志龐統傳魯肅遺先主書曰龐士元非百里才也

晉書王湛傳此馬任重方知之平路無以別也於是當蟻封內試之竝詳見前

為萬乘器會扛

龍鼎以函牛

鄒陽傳蟠木根抵輪囷離奇而為萬乘器者以左右先為之容也師古曰萬乘器天

子車與之屬也禮記崇鼎貫鼎天子之器史記趙世家秦武王與孟說舉龍文赤鼎絕臚而死東京賦岳修貢

今川效珍吐金景今敲浮雲寶鼎見今色氤氲煥其炳
兮被龍文韓詩龍文百斛鼎筆力可獨扛函容也莊子
函牛之鼎沸蟻不得措一足焉後漢書邊讓傳傳曰函
牛之鼎以烹雞多汁則淡而不可食少汁則熱而不可

熟
長沙令之讀五車綴班雖晚

吳靖為長沙令一日自
歎曰讀五車書辛苦十

年不得綴驚驚班髮白踪跡
零為百里陶元諒復何人耶

洛陽生之對半夜趣召

可期

前見

某學不踰人飢來驅我

陶詩飢來
驅我去

苦乏長裾之

飛譽

仇覽傳今日太學曳長
裾飛名譽皆主簿後耳

姑從矮屋以立身

開元天
寶遺事

張彖為華陰簿為守令所抑歎曰大丈夫有凌雲蓋世
之志而拘於下位若立身矮屋之下使人擡頭不得乃

棄官
而去
先達者為之前定包荒於後輩

韓文士之能享大
名顯當世者莫不

有先達之士負天下之望者
為之前焉易包荒用馮河
大事則從其長足藏拙於

小官

周禮大事則從其長
冒然而來恃此不恐
左傳展喜對齊

庚曰豈其嗣世九年而棄命廢職具
若先君何君必不然恃此以不恐
人果不可無勢豈

矜駕御之能

陶靖節集孟府君傳為征西大將軍桓溫
參軍色和而正溫甚重之溫從容謂君曰

人不可無勢我乃能駕御卿東坡志林云桓溫之才百
倍於嘉所以云爾者自知其陰賊險狠不為高人勝士

所比
數耳
士安得獨自高尚假比隣之庇

孫寶傳署寶主簿
寶徙入舍祭竈請

比隣餘
詳見前

通崇仁曾宰

穎秀○崇仁縣在撫州西一百二十
里本東漢豫章郡臨汝縣地吳分置

新建縣晉屬臨川郡梁改曰巴山縣置巴山郡
隋初郡縣俱廢置崇仁縣屬撫州唐宋因之

曉行湘水我方尋欵乃之歌

杜詩夜醉長沙酒曉行湘水春柳詩漁翁夜傍西巖

宿曉及清湘然楚竹煙銷日出不見人欵乃一聲山水
綠注欵乃音襖霽山谷集云王稚川既得官都下有所
眄未歸予戲作林夫人欵乃歌二章與之竹枝
歌本出三巴其流在湖湘耳欵乃湖南歌也

春靜巴

山君來賦為于之曲

巴山在崇仁縣南六十里有樂巴
祠故名唐改曰臨川山宋邑宰孫

懋避樂仙諱改曰栢山舊傳巴山有四仙曰梅樂鄧葉
梅即漢梅福樂即樂巴隱此山節葉俱南城人新唐書
卓行傳元德秀字紫芝為魯山令玄宗在東都誦五鳳
樓下命三百里縣令刺史各以聲樂集是時頗言帝且
第勝負加賞罰河內太守輩優伎數百披錦繡或作犀
象環譎光麗德秀惟樂工數十人聯袂歌于為于于為

于者德秀所為歌也帝聞異之歎曰賢人之言哉

非釣魴之厚味

劉向說苑密子賤為單父

宰過於陽晝曰子亦有以送僕乎陽晝曰吾少也賤不知治民之術有釣道二焉請以送子夫投綸錯餌迎而吸之者陽鱊也其為魚薄而不美若存若亡若食若不食者魴也其為魚也博而厚味子賤曰善於是未至單父冠蓋迎之者交接於道子賤曰車驅之車驅之夫陽晝之所謂陽鱊者至矣至單父請其耆老尊賢者而與之共治單父詩豈其食魚必河之魴廣州記魴魚廣而肥甜魚之美者也**漫致鯉於長鬚**昌黎

寄盧仝詩先生有意許降臨更遣長鬚致雙鯉

恭惟某官忠恕家傳倫魁世業

楊雄傳舉伊之徒冠倫魁應劭曰冠其羣倫魁傑也師古曰冠等倫而魁傑

恢恢游刃如錐

之處囊中

莊子恢恢乎其於游刃必有餘地矣史記平原君傳夫士之處世也譬若錐之處囊中其

末立 在在影纓皆羅而致幕下 影紉紹切影影長組貌

影纓天閣既謝廟堂之華綴組雲臺 梁書張允傳與王儉書

終慙衣冠之秀選詩仕子影華纓 適通玉籍屈綰銅

章 通典宋諸縣署令銅 顧避譚公之維私 爾雅女子謂姊妹夫曰私

詩譚公維私孫炎云私無正親 不云贛水之可厲 贛水東江

之言然則謂吾姨者我謂之私 發源於汀州界之新樂山經雩都會於章水西江導源

於南安大庾縣之聶都山與貢水合會於贛水二水合

而為贛在州治後北流一百八十里至萬安縣界由萬

安而上為灘十有八詩鮑有苦葉濟有深涉深則厲淺

則揭注以衣涉水為 維寶唐之編邑 一統志寶唐山在

厲謂由帶以上也 崇仁縣西南一百

五里跨六安之 固麻谷之舊邦 謝靈運入華子岡麻源

境寶唐水出焉 第三谷詩銅陵映碧澗

欠定司事全書 四六標舉 五

石磴瀉紅泉

錦製此來繡行甚寵改邑不改井易地則然

易改

邑不改井无喪无得注井以不變為德者也正義曰養物不窮莫過乎井君子修德養民始終無改如井體有

常邑雖遷移而井體無改

有土此有財得人焉耳奉潘與其孔邇

潘岳

間居賦大夫乃御板輿升輕軒詩父母孔邇

馳魏闕以非遙

莊子身在江海之上心居乎魏

闕之下注魏闕天子兩觀也

某兩鬢白紛隻身墨隱昨班文石不能

誨館下之諸生

梅福傳登文石之陛韓文招諸生立館下

今戍武岡幸不失

黔中之上佐

武岡為楚巫黔中地蘇秦傳一軍出武關一軍下黔中張儀傳秦要楚欲得黔中地

王忠嗣傳明日見責不失一金吾朋林將軍歸宿衛不則黔中上佐耳

出書尚遲於三日

受滕願託於一墨操韓子赤縣之權晉晏于於薄少

晉字

舛薄當作惡昌黎寄盧仝詩昨晚長鬚來下狀隔牆
惡少惡難似嗟我身為赤縣令操權不用欲何俟

荒

鄭虔蒼苔之屋尚見此其歸來

杜詩先生早賦歸去
來石田茅屋荒蒼苔

代回常寧曹宰

輔世○常寧在衡州西南一百二
十里本漢耒陽縣地三國吳析置

新平新寧二縣屬湘東郡東晉以新平省入新寧
劉宋更曰常寧陳復曰新寧隋屬衡州唐復曰常

寧宋因之○詳

啟意蓋代月朔

不稼取禾我謾持於漢橐

詩不稼不穡胡取禾三百廛
兮傳種之曰稼斂之曰穡趙

充國傳持橐著筆注橐契橐
也近臣從備顧問或有所紀

及瓜代戍公已趣於曹裝

曹參傳告舍人趣治行師
古曰治行謂修行治業也

一介惠然雙鱗厚甚恭惟某

官百里為令

後漢書郎官出宰
百里上應列宿

三年有成不求赫赫之

名見思所去

何武傳其所居亦無
赫赫名去後常見思

雖聽鼙鼙之鼓有挽

無推

鄧侯傳為吳郡守去郡吳人歌之曰純如打五鼓
鷄鳴天欲曙鄧侯挽不來謝令推不去說文鼙鼙

鼓聲交章翕然

劉向傳章
文公車

增秩近只

循吏傳序
增秩賜金

佇公侯之

必復

左傳合而能固安而能殺公侯
之卦也公侯之子孫必復其始

宣州縣之徒勞

梁竦

傳州縣之職
徒勞人耳

某骭體雲司

骭體悻直貌趙壹傳骭體倚
門邊除裴復制俾踐白雲司

以黃帝時秋
官為白雲也

超騰水部

通典工部尚書總判工部屯田
虞部水部事魏尚書有水部郎

後魏北齊有水部屬都官後周有司水大夫隋初
為水部侍郎屬工部唐天寶中改水部為司水 會且

歸矣不當戀仗馬之芻

詩會且歸矣無庶予子惜新唐書姦臣傳李林甫語諫官曰卿

等不見立仗馬乎終日無聲而飫三品芻豆一鳴則黜之矣後雖欲不鳴得乎行或使之猶復

見飛鳧之舄

回武岡許令

大用○宋武岡軍領武岡綏寧新寧三縣治武岡縣今州即武岡縣地

強顏貳郡慙非典午之材

韓詩長慙典午非材職

菴尾為僚喜有

同寅之幸

韓文藍田縣丞廳壁記卷其前菴以左手右手摘紙尾睨丞曰當署尚書同寅協恭和衷

哉 會修辭之未暇辱垂問之相先恭惟某官精神五兵

韓詩腸胃繞萬象精神驅五兵

肝膽一劍

韓詩肝膽一古劍波濤兩浮萍

積月書於右

序已播英聲

通典有虞氏大學為上庠小學為下庠夏后氏太學為東序小學為西序殷制太學

為右學小學為左學

奉天問於左廬更登峻級

劉禹錫問大鈞賦楚臣天問不酬今

臣過幸一獻三售

方西北二邊之未靖何東南一尉之足淹

揚雄

傳東南一尉西北一戍

行矣章交

見上條

亟其王覲

左傳王覲為可

某無能

教胄

尚書命女典樂教胄子傳胄長也教訓世通長子言為國錄

顧使轉丞

韓文再轉而為

承茲邑

烹雙鯉得尺素書良勤垂念

飲馬長城窟行客從遠方來遺我雙鯉魚

呼兒烹鯉魚中有尺素書

從一騎蹕五百里即遂承顏

韓文曹成王碑觀察使廕

使將國良往戌界良以武岡叛於是王帥湖南以討良為事良乞降狐鼠進退王即假為使者從一騎蹕五百里抵良壁鞭其門大呼我曹王來受良降良不得已錯愕迎拜盡降其衆

回武岡薛令 仲庶

聞三鳳之聲未遑面識

新唐書薛收傳元敬與收及族兄德音齊名世稱河東三鳳收

為長雛德音為鸞鶯元敬年最少為鸛雛

聽雙鳬之鳴良喜足音

見前

尺書惠

然三復感甚恭惟某官材優世濟學贍家傳早安枳棘

之棲簿為之兆

仇覽傳枳棘非鸞鳳所棲百里豈大賢之路

繼領桁楊之寄

民自不寃

桁寒剛切木在足曰械大械曰桁莊子棖摺桁楊注械夾足及脛皆曰桁楊于定國傳其

決疑平法務在哀鰥寡朝廷稱之曰張擇之為丞為製
廷尉天下無冤民于定國為廷尉民自以不冤

錦之謀可見鳴絃之志惟此黔巫之鄙

柳文黔符東鄙蠻獠雜擾

異

乎江浙之間下若牛馬上若熊羆從昔少人而多石

柳文

鉅鑄潭西小丘記石之負土而出其岷然相累而下者
若牛馬之飲于溪具銜然角列而上者若熊羆之登于
山石城山記其氣之靈不為偉人而獨為是物故楚之
南少人而多石

大不鯨鯢小不虺

蜴乃可宣化而承流

柳文武昌岡銘序由公之仁小不為虺蜴太不為鯨鯢思重事持不通

而遠董仲舒傳今之郡守縣令民之師帥所使承流而宣化也

公行勿遲民望攸屬其

淒涼半刺僥倖同僚歟乃一聲定樂薛存義之至

柳文送薛

存義之任序河東薛存義將行柳子載肉於俎崇
酒於觴追而送之江許云云餘見通崇仁會宰條統如

五鼓幸遄鄧伯道之來

見前回常寧曹宰條

欣幸良多數宣罔既

回綏寧舒令

約○綏寧本唐溪洞徽州之地宋置
蔣竹縣屬邵州熙寧中廢崇寧中復

置改曰綏寧縣紹興中屬武岡
軍元屬武岡路本朝改屬靖州

榮離霧隱

列女傳陶荅子妻曰南山有玄豹
隱霧雨而十日不下食詳別見

出宰雷封

白帖雷震百里縣
令象之分土百里

維今巫水之磻雖云巖邑

柳文巫水
之磻左傳

制巖邑也
巖險也

在昔夫夷之長固有聞人

夫夷水在新寧縣
南源出廣西全州

界過此至邵陽會瀆水夫夷故城在武岡東北二百四
十里漢為縣長沙定王子義封夫夷侯國於此第五倫

傳有詔以為扶夷長未到官追拜會稽太守注扶夷縣屬零陵郡故城在今都州武岡縣東北陶侃傳武庫令黃慶舉侃補武岡令與太守呂岳有嫌棄官歸恭惟某官闕里故家闕里在魯城南孔子

所居之地良弓宿學三仕為令從知學製之精並見前萬里封

侯行見棄繻之勇

班超傳相者曰祭酒布衣諸生耳而當封侯萬里之外終軍傳步入闕關

吏予軍繻軍問以此何為吏曰為復傳還當以合符軍曰大丈夫西遊終不復傳還棄繻而去注繻音須繻符也書帛裂而分之若券契矣茲來蔣竹見題下已及戍瓜下若牛馬上

若熊羆飽看奇狀大不鯨鯢小不虺蜴正藉撫摩

並見上條

某典午非材同寅有幸許承重聲猶能聞欵乃之一聲

鄧侯肯來諒不俟統如之五鼓

俱見前

回武岡許令

教胄本朝久歸來於茅屋

尚書命女典樂教胄子荀子人君用之則勢在本朝而宜

蕭望之傳推志在本朝法真傳光贊本朝四子講德論陳惠識於本朝之上杜詩先生早賦歸去來石田茅屋

荒蒼

苔 負丞支郡偶及代於瓜期

韓文余不負丞而丞負余晁錯傳割其支郡師

古曰支郡在國之四邊者也詳別見夙因戍削之標

子虛賦粉粉袞袞揚袞戍削師古曰揚舉

也袞曳也或舉或曳則戍削然見其降殺之美也一云戍鮮也剗刻除貌

將托寅恭之契未

遑注記先辱鳴謙

並見前

恭惟某官氣稟沉雄性資果毅

對摧鋒之月盍策勲名

李詩太白入月敵可摧敵可摧旄頭滅旄頭星名主兵象詳見

第三卷謝鄒運使舉狀

戴作縣之星顧勞撫字

說苑宓子賤治單父彈琴身不下堂

單父治巫馬期亦治單父以星出以星入日夜不處以身親之單父亦治巫馬期問其故宓子曰我之謂任人

子之謂任力任力者勞任人者佚

佇民庸之入奏承天寵以遄歸

易在師中

吉承天寵也

某倚席不材題與非據貳郡長縣固唇齒之相

依體國愛民願腹心之無隱

並見前

代回丹徒姚宰

丹徒本吳朱方邑後又名谷陽秦時望氣者言其地有王氣始皇使

楮衣徒三千鑿京峴山為長坑以敗其勢因名丹徒漢為丹徒縣屬會稽郡後屬吳郡三國吳改武

進縣晉復為丹徒置毘陵郡宋為南徐州治
所隋省入延陵縣唐復置屬潤州宋因之

宰山水之縣知在近郊

韓詩出宰山水縣

聞絃歌之聲未瞻遠

器敢圖注記施及汎負恭惟某官藉甚人門

陸賈傳名聲藉甚注

狼藉甚盛餘見首條

歸然地望

莊子歸然而有餘魯靈光殿賦歸然獨存

善刀出匣訖

嬰紫電之鋒

莊子善刀而藏之崔豹古今注吳有白虹紫電辟邪流星青冥百里六劍唐中宗授

張錫尚書制白虹良寶獸電奇鋒詳見前

結綬登巖斜取青雲之勢

顏延年詩結綬

登王畿劉禹錫詩青雲直上無多路却作斜飛取勢回

多景誰如於北固

多景樓在甘露

寺宋張邦基墨莊漫錄云鎮江府甘露寺在北山上江山之勝煙雲顯晦萃於目前舊有多景樓尤為登覽之

勝蓋取李贊皇題臨江亭詩有多景懸牕牖之句以是
命名即臨江故基也裴煜守潤日有詩云登臨每憶銜
公詩多景惟於此處宜海岸千艘浮若芥邦人萬室布
如幕江山氣象回環見宇宙端倪指點知禪老莫辭勤
候逌使君官滿有歸期自經兵火樓廢近雖稍復經營
而樓基已半侵削殊可惜也宋米芾詩兩州城郭青煙
起十里江山白鷺飛海近雲濤驚夜夢天依月露濕秋
衣北固山在府治北一里迴嶺下臨長江其勢險固即
府治所據及甘露寺基建康寶錄梁武帝幸京口登北
固樓遂改名北顧唐竇常詩山趾北來固湖頭西去長
宋王安石詩天末海門橫
北固煙中沙岸似西興
辦香寧舍於南豐

陳後山詩
向來一辦

香敬為

○

改一
聯云

茲操權於赤縣

韓詩嗟我身為赤縣
令操權不用欲何俟

姑

敏惠於黔氓

韓文敏此大惠兮施於一州史記始皇紀
更名民曰黔首應劭曰黔亦黎黑也尚書

黎民於
變時雍

繭絲乎保障乎定知緩急魴魚也陽鱈也決有

後先

見本卷通崇
仁曾宰條

雙鳧之鳥翩然

見前

五鳳之脯近止

通鑑

開元

二十三年正月上耕耨田都城脯三日上御五鳳

樓脯宴元德秀傳玄宗在東都脯五鳳樓下脯音蒲說

文王德布大飲酒也漢律三人已上無故聚飲罰金故

賜酺得會聚飲食也唐無酺禁亦賜酺者蓋聚作伎樂

高年賜

某畫墁無補巢幕奚為

左傳季札謂孫林父曰
夫子在此猶燕之巢於

幕上望金堂石室之間無因而至

金堂峽在成都府金堂
縣石室蜀人以祀文翁

者姚宰
蓋蜀人

感繡段瓊英之贈藏弃為榮

見前

代回江陰何宰

處博○江陰本秦漢毘陵縣地屬
會稽郡晉初析置暨陽縣屬毘陵

郡梁始置江陰郡及江陰縣隋初廢郡以縣屬常州又以利城梁豐二縣省入唐初于縣置暨州復折置暨陽利城二縣尋廢暨州及省二縣入江陰縣屬常州五代南唐置江陰軍領江陰縣宋或為軍或為縣○詳
啟意蓋代月湖

送紙上之軒昂皆我輩語

韓詩閒賦忽睹送歸作字向紙上皆軒昂孫綽傳嘗作天

台賦以示范榮期云卿試擲地當作金石聲榮期曰恐此金石非中宮商然每至佳句輒云應是我輩語就

暗中而摸索乃吾宗家

左傳晉吾宗也豈害我哉李邕詩吾宗固神秀杜詩吾宗老孫

子山谷詩江表無雙乃吾宗餘見前

有味其言

見前

不知所賀

左傳楚子使子文治兵於

睽終朝而畢不戮一人子玉復治兵于蔿終日而畢鞭七人貫三人耳國老皆賀為賈尚幼後至不賀子文問之對

曰不知
所賀

恭惟某官人門具美天分仍高

並見本
卷首條

日食萬

錢盍追隨於伯父

何曾傳性奢豪務在華侈惟帳車服窮極綺麗厨膳滋味過於王者每燕

見不食大官所設日食萬錢猶云無下箸處

地方百里何局促於子男聊繼

益昌之功名

新唐書循吏傳何易于為益昌令刺史崔博乘春與賓客汎舟索民挽繹易于身引

舟博愧疾驅去詔命崔茶易于不奉詔饋給往來傳符外一無所追故無異稱

即見中年之除

寵

魯恭傳拜中年令在事三年州舉尤異拜侍御史

某日之夕矣人謂斯何乘

興而來漸有回船之意同姓為近恐餘推轂之情

並見前

回成都呂知縣

大全○成都春秋時蜀侯所理秦始置成都縣漢宋益州治此晉宋

齊梁並因之隋屬益州
唐宋為成都府治所

箱尾青油之幕那暇笑談

韓詩驥句談
笑青油幕

傾心赤縣之官

鼎來材傑

杜詩赤縣官曹擁材
傑軟裘快馬當冰雪

聞烏鳬之近只得書鯉

而躍然

見前

恭惟某官渭釣名家

史記太公望呂尚者本
姓姜氏蓋嘗窮困年老

矣以漁釣奸周西伯獵遇太公於渭之陽說苑呂
望年七十釣於渭渚三日三夜魚無食者望即念脫其
衣冠上有農人者古之異人謂望曰子姑復釣必細其
綸芳其餌徐徐而投無令魚駭望如其言初下得鮒次
得鯉刺魚腹得書書文曰蜀珍粹望

法言蜀莊沉冥蜀
莊之才之珍也不

呂望封于齊望知其異
作苟見不治苟得久幽而不改
其操雖隋和何以加諸詳見前

恢乎游刃豈難解盤錯

之根

注見前

飛不盡翰殆欲培扶搖之翼

韓文不長其年飛不盡翰

益

班玉筍顧擁壁蒲士元非百里之才便應別駕

泣見前

成

都有萬事之好是在長官

杜詩成都萬事好

錦製奏功綈緘入

覲某全提迂拙冒涉險艱舍嵩邱一室之書無能為役

韓文送石處士序先生居嵩邱澠穀之間坐一室左右圖書左傳於先大夫無能為役注言不足為其役使也

投成華二縣之簡何處有詩

投疑當作投成華謂成都華陽韓詩風霜滿面無人

識何處如

今更有詩

代回新昌詹宰

繼○新昌在瑞州府西一百二十里本漢建城縣地吳析置宜豐縣

隋省入建城縣唐復置尋省入高安南唐以宜豐舊地為鹽步鎮宋以地勢廣險又於宜豐故城置

新昌縣

孤鶴重來恍難尋於舊侶

續搜神記遼東城門有華表柱忽有一鶴集徘徊空中言

曰有鳥有鳥丁令威去家十載今來歸城郭如故人民非何不學仙去空作家累累遂上冲天雙鳬西

望猶未廢於故情相贈以言足華其老

東坡集過情之譽知無其實而

愧於中起廢之文欲借此言以華其老

恭惟某官早持雋望見謂通材

趙充

國傳見謂忠謹

學道愛人固自不妨割鷄之用治中別駕亦何

足為展驥之謀種桃李於春風接蓬萊之雲氣

並見前

去

天尺五詎云多而不揚

杜詩時論同歸尺五天自注云
俚語云城南韋杜去天尺五進

學解蓋有幸而獲
選詎云多而不揚

擊水三千願少安之無躁

韓文德僕
之所為少

安無

某崦嵫日薄

見前

嶰谷地寒

漢書律歷志取竹之解
谷注崦嵫之北谷名也

劉向別錄方士傳言鄒衍在燕有
谷地美而寒不生五穀詳見前

簪筆甘泉聊復覆蕉

而尋夢

列子鄭人有薪於野者遇駭鹿御而擊之斃之
恐人之見之也遽而藏諸隍中覆之以蕉俄而

遺其所藏之處遂
以為夢焉詳別見

挂冠神武豈須叢桂之移文

淮南招
隱士桂

樹叢生兮山之幽偃蹇連卷兮枝相緣宋周顒初隱北山
後出為山陰令秋滿入京復經此山孔稚珪代此山移

文以
絕之

代回趙萍鄉

彥達○萍鄉在袁州西一百四十里
本宜春縣地孫吳析置萍鄉縣屬安

成郡以楚昭王渡江得萍實於此故名
隋屬袁州詳啟意蓋代舊令回新尹者

名駒千里夙聞佳公子之聲

東坡詩未應良木棄大匠
要使名駒試千里史記平

原君傳贊平原君
翩躚世之佳公子也

烹鯉尺書未忘舊令尹之好方當

執熱如對調冰

杜詩公子
調冰水

恭惟某官遠派天潢

晉天文
志五車

五星三柱九星在畢北其中五星曰天潢漢天文志王
良傍有八星絕漢曰天潢崔廓答豫章王牋稟潤天潢

承輝
日觀
早梯月窟

宣室志唐太和中周生者有道術中
秋夜與客會月色方瑩謂坐客曰我能

梯雲取月置之懷襟因取筇數百條繩而駕之曰我梯
此取月俄以手舉衣懷中出月寸許光色照爛寒氣入

肌卓犖千萬人之敵足亢磐石之宗韓文卓犖為傑項籍傳劍一人敵不

足學學萬人敵耳左傳不能亢身焉能亢宗文帝紀高帝王子弟地犬牙相制所謂磐石之宗也低回

三十載之間始入金閨之籍史記孔子世家諸生以時習禮其家余低回留之不

能去云注祇敬也言祇敬遲回不能去之有本作低低回義亦通謝朓詩既通金閨籍復酌瓊筵醴杜詩認題

金閨籍得與銀臺通楚萍如斗家語楚昭王渡江江中有物大如斗圓而赤直觸王舟羣臣莫能識

使問孔子孔子曰此謂萍實陶柳皆春陶靖節五柳先生傳先生不知

何許人亦不詳其姓字宅不惟吏泗而民眺泗息利切詩涕泗滂

泂毛傳自目曰涕自鼻曰泗眺徒刀切號眺哭聲也易同人先號眺而後笑料亦庭空而旅

實爾素得游庠序又見賢君

李泰伯袁州學記今代遭聖神爾素得賢君俾爾遊

庠序踐古

天使亦好官員恐成故事

東軒筆錄范延賞為殿直押兵過金

陵張忠定公為守因問曰天使訟路來還會見好官員否延賞曰昨過袁州萍鄉縣邑宰張希賢者雖不識之知其好官員也公曰何以言之延賞曰自入縣境驛傳橋道皆完葺田萊墾闢野無惰農及至縣則塵肆無賭博市易不敢喧爭夜宿邸中聞更鼓分明以是知其必善政也公大笑曰希賢固善矣天使亦好官員也即日同薦於朝希賢後為發運使延某自慙揚糝安有慙崇賞亦為閤門祇候皆能吏也

老鶴乘軒可笑翅翎之短

左傳狄人代衛衛懿公好鶴鶴有乘軒者東坡詩誤辱使

君相投拭寧聞老鶴更乘軒山谷詩身如病鶴翅翎短心似亂絲頭緒多

飛鴻踏雪空驚指

爪之留

東坡詩人生到處知何似應似飛鴻踏雪泥泥上偶然留指爪鴻飛那復計東西

代月湖回吳宰

困

振履光臨屬辭寵賁

賁賁封名

靖共正直得之眉宇之間

詩靖

共爾位好是正直注靖謀也其具也言有德未仕之君子勿明明求仕自有明君謀具汝之爵位其志先在於正直之人終是與之為治者此斷章新唐書元德秀傳房館每見德秀歎息曰見紫芝眉宇使人名利之心都盡

雅健雄深粲然毫楮之上

劉禹錫柳文序其文雄深雅健似司馬子長崔蔡不

足多也東坡詩若人富天巧春色入毫楮

君言雖過我心則降

詩亦既見止亦既覯止我

心則降降戶江反注言我心之憂則降下也

恭惟某官敏手決科

山谷詩敏手擘泰華

法言須以洗心從政

繫辭聖人以此洗心退藏於密

盤根而別利器游

刃砭然

見前

促柱則少和聲鳴絃自若

長笛賦絃促柱注絙急絃也謝靈

運詩殷勤訴危柱慷慨命促管

頗聞鑪香茗碗之句仍見髯奴赤脚之

詩

並見前

已窺一斑

王獻之傳數歲嘗觀門人携蒲曰南風不競門生曰此郎亦管中窺豹時

見一斑詳見前

復尋尺素六察六院本以待邑最之來

宋史職官志紹

興三年殿中侍御史常同言元豐始置六察上自諸部寺監下至廩庫塲務無不分隸以詔廢置而乃有黃緣申請乞不隸臺察者恐非法意宜遵舊制從之乾道二年詔自今非曾經兩任縣令不得除監察御史

三

沐三薰決不在時材之下某過勤委重莫可報嘉

見前逢

人而說項斯當無回隱

劉禹錫隋唐嘉話楊敬之贈項斯詩度度見詩詩總好今觀標

格過於詩平生不解藏人善到處逢人說項斯詳見首卷

作書而見子布徒取嘲嗤

典畧曰余曩聞劉荊州嘗自作書欲與孫伯符以示禰正平正平嗤之言如是為欲使孫策帳下兒讀之耶將使張子布見乎

回鹽官林知縣

申○鹽官本漢海鹽地有鹽官吳王荑海之地吳置鹽官縣屬吳郡

隋屬餘杭郡唐屬杭州武德七年省入錢唐貞觀年復置

懷赤縣之章聞將引綬

通典唐縣有赤縣望緊上中下六等之差京都所治為赤縣京

之旁邑為畿縣朱買臣傳衣故衣懷其印綬步歸故邸守邸怪之前引其綬詳見前

依綠水之幕

行或望塵

潘岳傳岳性輕躁趨勢利與石崇等諂事實諛每候其出與崇輒望塵而拜南史何點傳

豫章王尚望塵不及吾當望岫息心

未遑名姓之通猥沐緘滕之寵

見前恭

惟某官風猷膚敏業履端溫杞梓之材異材是宜作室

左傳晉大夫皆卿材也如杞梓皮革何氏語林韋氏孝友文學有承慶嗣立遠音樂有萬石達禮儀則叔夏史才博識有述時趙冬職兄弟亦有美名張燕公嘗語曰韋趙兄弟人之杞梓陸機傳贊寔荆衡之杞梓尚書若考作

瑚璉之器何器而使在山

大戴禮玉在山而木潤川生珠而岸不枯

板

興欲覽於王畿

潘岳閒居賦太夫人乃御板輿升輕軒遠覽王畿近周家園

蒲壁故

來於京邑竊聞潮浪頗蝕邑封必欲植河陽之花

潘岳傳岳

才名冠世為衆所疾遂棲遲十年出為河陽令庾信枯木賦若非金谷滿園樹即是河陽一縣花白帖潘岳為河陽令樹桃李花人號曰河陽一縣

不若捷淇園之竹

漢書溝洫志下淇園之竹以為捷晉灼曰淇園衛之苑也如淳曰樹竹塞水決之口稍稍布紳按樹之水稍弱補令密謂之捷以草塞其中乃以土填之有石以石為之師古曰捷音其偃反某愧贊畫之非

材實底寮之有幸

俱見前

癡公事未了也正懼鰥官

傳咸楊

濟輿咸書曰天下大器非可稍了而相觀每事欲了生子癡了官事官事未易了也了事正作癡復為怪耳尚書若時癡厥官鰥通新令尹仁矣乎當期做誨作癡見爾雅病也

回李知縣

庭可雀羅辱再三之相過

鄭當時傳翟公為廷尉賓客填門及廢門外可設雀羅

門無鳳字有四六之見貽

語林嵇康與呂安善每一相思千里命駕安來值康不在

兄喜出迎安不前題門上鳳字而去喜不覺猶以為欣康至曰鳳凡鳥也王維詩到門不敢題凡鳥看竹何須

問主

委重良多報嘉不腆恭惟某官器資肅括才具碩

膚

竝見前

祭彤方舉於鉏姦

祭彤傳遷舉貢令時天下郡國尚未悉平襄貢盜賊白日

公行彤至誅破姦猾殄其支黨數年襄貢政清璽書勉勵增秩一等賜緡百疋

即墨遽從而造

謫

史記曰敬仲世家威王召即墨大夫而語之曰自子之居即墨也毀言日至然吾使人視即墨田野闢民

人給官無留事東方以寧是子不事吾左右以求譽也封之萬戶

令尹無愠色亟歌歸

去之詞童子有仁心迄動巡行之歎

魯恭傳豎子有仁心此三異也詳見

前再試巖邑

左傳制巖邑也巖險之邑

四達通衢

爾雅一達謂之道路二達謂之岐旁

三達謂之劇旁四達謂之衢五達謂之康六達謂之莊七達謂之劇縣八達謂之崇期九達謂之遠人疑

故步之迷君若新硎之發吏材如此難逃六察六院之

除

並見前

公論則然何假一話一言之贊

尚書自一話一言我則未惟成

德之彥以又我受民

某緬懷先德幸接後塵力足為器足施非所

求於我也

柳文俄而有若烏獲者特長鯁千尋徐而過焉其力足為也其器足施也

問則告

疑則辨敢有吝於公哉

韓文凡此四子皆可以當執事晉薦而極論者主司疑焉則辨

之間焉則以告之未知焉則懇懇而語之期乎有成而後止可也

代回武陵俞知縣

成○武陵本漢武陵郡臨沅縣東漢為武陵郡治晉因之梁置

武陵郡唐屬武陵郡隋改武陵縣屬朗州後屬武陵郡唐屬朗州宋初屬鼎州後屬常德府

刻升陟之章真成備數

儀禮吾子有命且以備數而擇之

鳴謙為之德

更費屬辭受之過情謝若為語恭惟某官槐根之芷

荀子

蘭槐之根是為芷注蘭槐香草也其根是為芷也本草白芷一名白芷陶隱居曰離騷所謂蘭芷也蘭槐當是

蘭芷別名蘭芷其芽

韓文幼子娟好靜秀瑤環瑜珥蘭芷其芽稱其家兒也

窮武陵之

源吾為爾寧

王維桃源行當時只記入山深青谿幾度到寒林春來遍是桃花水不辨山深何處

尋家語有是哉顏氏之
子使爾多財吾為爾宰
歌滄浪之水清畏人知

滄浪水在龍陽

縣二十里浪水與滄水合故號滄浪水寰宇記云在武陵縣西二水合流禹貢又東為滄浪之水乃漁父濯纓

之處晉陽秋胡質子威父子清慎名譽著聞歷位宰牧晉武帝見威論邊事語及平生帝數其父清謂威曰卿

清孰與父清威對曰臣不如也臣父清恐人知意有雉臣清恐人不知是臣不如者遠也官至前將軍

馴可無鶚薦某過勤四六嘉歎再三

見前

宋謝叔四六談塵云韓子蒼為

舍人曾公衮以啟賀之韓答云舊知四六之工彌起再三之數即此聯所自來也

雖則七襄覽

成章之匪報

見前

儉於百里願賦政之又新

詩賦政於外注布政於畿

外

代回弋陽曾知縣

煥○弋陽在廣信府西一百二十里本漢豫章郡餘汗縣地梁

吳析置葛陽縣晉屬鄱陽郡隋改為弋陽以地有弋水故名唐初屬饒州後改屬信州宋因之○已

下俱代

月湖

刺手拔鯨欠丁官之下取

韓詩刺手拔鯨牙舉瓢酌天漿又仙官勅六丁雷電下取

將

長鬚致鯉與甲橐以偕來

韓詩先生有意許降臨更遣長鬚致雙鯉

不謂

垂索而歸

管子小正篇諸侯之使垂索而入捆載而歸國語同韓文捆載而往垂索而歸

將有

埒國之富

貨殖傳與王者埒富師古曰埒等也

恭惟某官汲古得鯁

韓詩歸愚

識夷塗汲古得脩綬績文有機

韓文種學績文以蓄其有北史祖瑩以文學見重嘗語人曰文章須

自出機杼成一家風骨何能共人同生活也僧齊己詩
李白李賀遺機杼散在人間不知處聞君收在芙蓉江

日關蛟人

織秋浦
夜雨聽阿房之篇英詞偉甚見前春風接曲江

之席舊夢瞭然

曲江池在今西安府東南十里漢武帝所鑿其水曲折似嘉陵江因名唐開元

中疏鑿為勝境都人遊賞盛於中和節江邊蘆蒲萋翠
柳陰四合每錫燕臣僚會于山亭池備綠舟唯宰相三
司北省官翰林學士登焉宋張禮遊城南記云江以水
流屈曲得名其深處下不見底司馬相如賦曰臨曲江
之隍洲蓋其地也劇談曰曲江本秦隍洲唐開元中疏
鑿為勝境歐陽唐曲江記畧曰此地循原北峙迴岡旁
轉圓環四匝中成坎窞窳窳港洞生泉翕源東西三里
而遙南北三里而近崇山濬川鉤結盤護不南不北湛
然中停蕩惡舍和厚生蠲疾訕虛抱景氣象澄鮮滌慮
追歡棲神育靈觀此可以得其槩矣唐劉滄及第後宴

曲江詩及第新春選勝遊杏園初宴曲江頭紫毫粉壁題仙籍柳色蕭聲拂御樓霖景露光明遠岸晚空山翠

墮芳洲歸時不省花間醉綺陌香車似水流

謂已方駕於蓬萊

張九齡詩方駕與吾友同

懷不異尋乃猶讀書於松桂

韓詩出宰山水縣讀書松桂林

古風一覽恍今

日之未聞大冊載觀尤小巫之所畏贈我繡段多矣

俱見

前期君蟠桃可乎

東坡和山谷詩期君蟠桃枝千歲終一嘗

某何與斯文亦

聿既髦

詩借曰未知亦聿既髦曲禮八十九十曰髦

角巾東洛諒無煩關尹

之迎

羊祜傳與從弟琇書曰既定遯事當角巾東洛歸故里為容棺之墟以白士而居重位何能不以盛

滿受責乎史記老子傳見周之衰迺遂去至闕關令尹喜曰子將隱矣強為我著書於是老子迺著書上下篇

言道德之意

辦香南豐請歸為宗派之賀

見前

代回餘姚趙知縣

希祐。餘姚在今紹興府東一百八十里。舜後支庶所封以舜

姓姚故名。秦為縣屬會稽郡。漢晉以後皆因之。隋初省入奇章縣。唐初復置。又於縣置姚州。尋廢州。

以縣屬越州。宋南渡後陞越州為紹興府。

聞武城之絃居多遠韻

新唐書韋夏卿字雲客夏卿性通簡好古有遠韻談說多聞

刻公車之牘輒及通材嘗試言之

莊子嘗試論之荀子嘗試之說鋒起范睢

傳豈敢以疑事嘗試於王哉說又嘗口味之也徐曰口試其味也東坡范文正公集序此豈口傳耳授嘗試為之策別嘗試嚼噉以知其才之短長無可謝者恭惟某官月題千里

莊子加之

以銜扼齊之以月題注月題馬額上當顧如月形者也

風翮九霄

曾子固詩鴻鵠舉千里鸞鳳翔

九宵鯉趨過庭早有聞於夫子虎拜稽首將是似於召公

詩無曰予小子召公是以虎拜稽首天子萬年注似嗣也宣王命召虎曰汝無得言我小子耳汝之所為乃汝先祖召康公之功是嗣言其堪繼召公也虎拜稽首者受王命冊書也臣受恩無可報謝願君壽考而已觀

其製錦而操刀足可衣繡而持斧見前參諸衆見僭以名

聞蓋欲備良師帥之儲

董仲舒傳今之郡守縣令民之師帥師帥不賢則主德不宣

非止託賢父兄之契某重蒙四六熟復再三舉之愛莫

助之更期進德

並見前

老矣無能為矣何敢獻諛

左傳今老矣無

能為
也已

代回長沙楊宰

宜中○秦以青陽地置湘縣漢為臨湘縣東漢為長沙郡治宋為國

齊以後為郡治隋為潭州治改臨湘縣曰長沙五代漢析置龍喜縣宋罷龍喜置常豐縣開寶中廢

常豐
入焉

不鄙雀門見迂鳧舄

見前

特枉咫尺書之教

韓信傳奉咫尺之書師古

曰八寸曰咫咫尺者言其簡牘或長咫或長尺喻輕率也今俗言尺書或言尺牘蓋其遺語耳

仍惠三

百篇之詩拜賜便蕃滿心銜戢

陶詩銜戢如何謝冥報以相詒

恭惟某

官清材汲古

韓詩汲古得脩經

奧識洞今作賦摩空阿房之縉

笏已晚

李賀詩殿前作賦聲摩空

聞絃莞笑長沙之短袖難旋

應劭漢書

注景帝後二年諸王來朝有詔更前稱壽歌舞長沙定王但張袖小舉手左右笑其袖上怪問之對曰臣國小

地狹不足回旋

禹稷用心固已失薛卽蘇郭之輩孔顏素學猶

不廢房杜王魏之流至於佳句之耽

杜詩為人性僻耽佳句語不驚人死

不休更覺良工之苦

杜詩已知仙客意相親更覺良工心獨苦

取數多矣

禮記取數

多者仁也受言藏之

詩彤弓詔兮受言藏之

此士落江湖宜為時出

山谷

詩此士落江湖熟思令人瘦

諸公登臺省會以名聞

杜詩諸公衆衆登臺省

某

何與斯文亦聿既髦

見上條

龍鍾韓子低頭負東野之慙

昌黎醉留東野詩昔年因讀李白杜甫詩長恨二人不相從吾與東野生並世如何復躡二子蹤東野不得官白首誇龍鍾韓子稍姦黠自慙青蒿依長松低頭拜東野願得終始如駟蛩東野不迴頭有如寸蓬撞鉅鍾吾願身為雲東野化為龍四方上刻畫無鹽捧心漫西施下逐東野雖有離別無由逢

之學

周顓傳何乃刻畫無鹽唐突西施也詳見前莊子師金曰西施病心而顰其里之醜人見而美之歸

亦捧心而效其顰里之富人見之閉門而不出貧人見之挈妻子而去之彼知美顰而不知顰之所以美李詩娥眉不可妬況乃效其顰

代回當陽林宰

鑑○當陽漢屬南郡又為臨沮縣晉臨沮屬襄陽宋二縣俱屬南郡

後梁置平州又置安居縣廢臨沮隋開皇置玉州未幾州郡並廢屬江陵州大業改荆臺後廢唐武

德置平州又名玉州宋開
寶五年置判門軍治當陽

老夫髦矣曳履可慙

左傳老夫髦矣無能為也曲禮八十九十曰髦

令尹何如

飛賤見問恭惟某官名父之子

蕭育之傳以育名父子著才能王述傳王導謂

述曰名父之子不患無祿屈臨小縣自不宜耳山谷詩慶州名父子

克世其家學裘之功

已深寧能無譜

南史山陰東土大縣難為長官傳僧祐在縣有稱子琰為武康令遷山陰令尤

明察又著名二縣皆謂之傳聖父子茲著奇績時云諸傳有治縣譜子孫相傳不以示人時劉玄明亦有吏能

歷山陰令政常為天下第一琰子剡代玄明為山陰問之玄明答曰我有奇術卿家譜所不載臨別當相示既

曰作縣令唯日食一升飯莫飲酒此第一策也製錦之技既敏會即策勳某自

笑龍鍾寧堪鳩僂

見前

空憐往日識野鶴於未仙

東坡詩何人更

識猛中散野鶴昂藏未是仙

猶幸殘年見名駒之汗血

杜詩驕驕作駒已汗血驚

鳥舉翮連青雲

代回麗水張宰

元煥○此啟歲本後有錯簡今依抄本改正○麗水本漢回浦縣地

東漢為章安縣吳為臨海郡松陽縣晉屬臨海又屬永嘉隋平陳分松陽東界置括蒼縣為處州治

所唐大歷十四年改蒼水縣

西崦投閒冒誤恩之起廢

崦音淹崦山名山海經鳥鼠同穴西南曰崦嵫下有虞

泉日所入韓文投閒置散晉書蔡謨傳昔階謬恩蒙忝非據東坡集荷先帝之誤恩又計此誤恩必難安處柳

文今茲是州起廢者二焉

南隣借潤駢好語以噓枯

白樂天詩今朝自校臺頭語先

問南隣有酒無李賀詩沙路歸來聞好語東坡詩輦路歸來聞好語又山寺歸來聞好語鄭泰傳孔公緒清談

高論噓枯吹生

返壁未能

左傳受餐返壁

報瓊何有

詩報之以瓊琚毛傳瓊玉之美者

恭惟某官人門秀整

見首條

地望高華鳬未來京花已開

於滿縣

風俗通義王喬為葉令每月朔嘗詣臺朝臨至時常有雙鳬從南飛來李詩河陽花作縣竝詳

見蝗不入境麥自秀於兩岐

魯恭傳拜中年令郡國蝗傷禾犬牙緣界不入中年

卓茂傳為密令平帝時天下大蝗河南二十餘縣皆被其災獨不入密縣界東觀漢記張堪為漁陽太守勸民耕種以致殷富百姓歌曰桑無附枝麥穗兩岐張君為政樂不可支○此下藏本有脫簡補續云某寤寐懷歸

倦遊已久，汙誨音之已厚，虛辱品題，愧馳謁之未能。但慙衰朽，與上文不相蒙。今依家藏本改正。如後行。

用最聞即膺世選

尚書世選爾勞

某髮真種種

左傳余髮如此種種余奚能為

心已休休

見前

懼方命之見誅

尚書方命圯族

聊強顏而入侍不

能者止更數月以乞歸，儻疾其驅，或一面而後去。

代回常寧曹宰

輔世○常寧已見○此後二條徽本闕今補

老夫髦矣，誤隨弓旌之招

家語旌以招大夫，弓以招士。詩：翹翹車乘，招我以弓。文選：

納旌弓於鉉台餘見前

令尹何如更加錦繡之贈，真慙無所

陳書蕭摩

訶傳老夫受服，專征不能戰。勝攻取今被圍逼，慙真無地。

懷感有之，恭惟某官抱挾

長材踐揚膺仕

詩瑣瑣姻亞則無膺仕

展驥足於百里料亦賢勞

見前 缺鹿鳴之三章猶稽改秩

禮記小雅肆三官其始也鄭注小雅之三謂鹿鳴四

牡皇皇者華也孔疏按鄉飲酒禮燕禮皆歌鹿鳴四牡皇皇者華又穆叔如晉歌小雅三篇故知鹿鳴四牡皇

皇者華也權勢逼迫無患有司不公

韓文行患不能成無患有司之不公政化

流聞惟善能舉其類蠖伸於屈

易尺蠖之屈以求伸也

鵬怒則飛

莊子鵬怒而飛姑安種秫之期

秫食律切說文稷之黏者增韻糯也陶潛傳在

縣公田悲令種秫

以俟及瓜之代某儀圖莫助有味薦賢

見前借

聽於聾求道於盲莫報勤渠之意

昌黎答陳生書今之負名譽享顯榮者在

上位幾人足下求速化之術不於其人乃以訪愈是所謂借聽於聾求道於盲雖其請之勤勤教之云云未見其得

加膏而光養根而實更伸頌禱之私

昌黎答李翊書養其

根而疎其實加其膏而希其光根之茂者其質速膏之沃者其光騖

代回興寧廖宰

規。興寧本龍川縣地晉置興寧縣屬東莞郡隋屬龍川郡唐屬循

州貞觀省齊昌縣入焉南唐改齊昌府宋仍為縣

鴻飛踏雪談舊事以無人

東坡詩人生到處知何似應似飛鴻踏雪泥詳見前烹

鯉得書知故人之有子因之喚夢

山谷詩為公喚起黃州夢何以報

嘉恭惟某官父教之忠世濟其美

見前蚤回翔於簿領似

屈鸞棲

禮記翔回焉梁書朱异傳當局簿領伏挺傳簿領流廢王瞻傳不廢簿領劉孝綽傳簿領亦宜

稍習何敬容傳勤于簿領又簿領文案不復經懷陳書黃法甌傳便書疏閑明簿領南史張率傳未嘗留心簿

領

稍剴決於糾曹諒多鶚薦顧動鳴絃之興欲明製錦

之才會觀崇蔭之成亟騰善最

並見前

雖在梅花之外必

有賞音

杜詩漢節梅花外春城海水遶

某夕陽在山

爾雅山西曰夕陽郭璞注暮乃見日

邢昺疏日即陽也暮始得陽故名夕陽詩度其夕陽幽居允荒是也宋景文公筆記云昔公嘗言夕陽朝陽指

山之處耳後人以夕陽謂斜日誤矣劉琨詩云夕陽忽西流古人亦誤用久矣浮雲出岫乃蒙

陸荀之不遺千里所期願以民社而自愛

回新西水勾龍知縣

西水縣本秦閬中縣地後周置西水縣宋屬閬中元省新

并新政西水三縣入南部縣今因之屬保寧府西水故城在今府西二十里

僮僕來迎知己返柴桑之里

歸去來辭僮僕歡迎稚子候門柴桑城在今九江府

城南九十里漢置柴桑縣屬豫章郡隋改曰湓城柴桑山在德化縣西南九十里近柴里源靖節祠在焉白樂天訪陶公舊宅詩今來訪故宅森若君在前不慕樽有酒不慕琴無絃柴桑故村路栗里舊山川不見籬下菊但餘爐舍館未定無敢過于木之廬

史記魏世家文侯受子夏經藝客段

于木過其廬未嘗不式也敢圖將進趙趙之間

韓文足將進而趙趙

竟蒙先垂

特達之顧

見前

恭惟某官蜀都秀望

王雅傳帝以恭等為當時秀望

漢殿

魏科跨躡捷狎良鬱康莊之驥步

狎為狎物皆郡名爾雅道路五達謂之康

六達謂之莊柳詩秦民啼畎畎周士舞康莊

鞭笞鸞鳳久棲官舍之燕巢

韓詩

上界真人足官府豈如散仙鞭笞鸞鳳終日相追陪

茲聞西水之鳴琴行趣東風

之叱馭劍門天下壯時皆收攬於胸中

杜詩惟天有設險劍閣天下壯

連山抱西南石角皆北向西崖崇墉倚刻畫城郭狀一夫怒當關百萬未可傍

閬州城南稀更

合包羅於筆下

杜詩閬水歌嘉陵江色何所似石黛碧玉相因依正憐日破浪花出更復春從

沙際歸巴童蕩槳倚側過水鷄銜魚來去飛閣中勝事可腸斷閬州城南天下稀

藉未召卓茂

於密令

卓茂傳遷茂為京部丞密人老少皆涕泣隨送光武即位先訪求茂乃下詔曰前密令卓茂東

身自修執節淳固誠能為人所不能為夫名冠
天下當受天下重賞今以茂為太傅封褒德侯會有言

苟變於衛侯

通鑑子思言苟變於衛侯曰其材可將五
百來公曰吾知其可將然變嘗為吏賦于

民而食人二鷄子故弗用也子思曰夫聖人之官人猶
匠之用木也取其所長棄其所短故杞梓合抱而有數
尺之朽良工不棄今若處戰國之世選爪牙之士
而以二卵棄干城之將此不可使聞於隣國也

某茲

戌雪邊

杜詩鷗鳥鏡裡
來關山雪邊看

在公宇下

左傳況在衛君之宇
下而敢有異志又大

國在敝邑之宇下是以告急按大國敝邑顛倒宜云敝
邑在大國之宇下世說庾太尉少為王眉子所知庾過
江漢王曰庇其宇
下使人忘寒暑

置漢陽之薤方當求聽於鼙言種河

陽之花又恐亟飛於鳬舄

俱見前

回新榮德王知縣

子勉。榮德本漢南安縣北齊屬南安郡隋置太牢縣屬資州

唐析太牢置旭川縣以縣置榮州天寶初改和義郡乾元初又為榮州來初因之治榮德縣後陞為

紹熙

府

倦甚衰翁已作歸歟之計

杜詩肺氣久衰翁

賢哉令尹甫聞至

止之音

甫始也

有勤屬辭良高陳誼恭惟某官才優世濟

學富家傳頌聖主之得賢遙遙風烈

王褒傳益州刺史奏褒有軼材上乃

微褒既至詔褒為聖主得賢臣頌其意文多不載

移忠臣而為孝挺挺雲仍

孝經

君子之事親孝故忠可移于君王尊傳王陽為益州刺史行部至邛郫九折阪歎曰奉先人遺體奈何數乘此

險後以病去及尊為刺史至其阨問吏曰此非王陽所畏道耶吏對曰是尊叱其馭曰驅之王陽為孝子王尊

為忠 臣 若為牛刀之割鷄更欲蟻封而試馬見前三榮之強

名郡縣井有仁焉

井有仁焉注疏皆以為仁人墮井此借用榮州即今嘉定州榮縣蓋蜀鹽

出於井寬之則民受其惠故曰井有仁焉 兩年括利鎔銖泉之竭矣詩池之竭矣不

云自頻泉之竭矣不云自中箋泉中水生則益深水不生則竭此亦借指井鹽 或恐一鷄之損

尚俟雙鳬之來幸疾華鑣鑣馬銜也韓詩清塗振華鑣以別利罷虞

傳不遇盤根錯節 其崎嶇一障坎塿兩基坎苦感切說文陷也增韻

儉也小阱也塿盧敢切坎塿不平一日失志也增韻屯蹇不得志也楚辭志坎塿而不違杜詩但看古來感名

下終日坎
琬纏其身

秋水落霞已決尋盟於鷗鷺

滕王閣序落霞與孤鶩齊飛秋

水共長天一色山谷詩惟有白鷗盟
未寒又老驥心雖在白鷗盟已寒

春雷奮地尚觀運

化之魚龍

易雷出地奮豫孔疏雷是陽氣之聲奮是震動之狀雷既出地震動萬物被陽氣而生各

皆逆
豫

回王知縣

應西

求士為國輒剡牘於公車博我以文敢收恩於私室

前見

一謙厚甚三復悚然恭惟某官學問淵源罷能凝遠揚

雄有河東之賦吹噓宜上於九天

杜詩揚雄更有河東賦唯待吹噓送上天

溫造空冀北之羣羅致敢違於三月

昌黎送溫處士赴河陽軍序大夫烏

公以鈇鉞鎮河陽之三月以石生為才以禮為羅羅而致之幕下未數月也以溫生為才於是以石生為媒以

禮為羅又羅而致之幕下餘詳前

茲表一鶚聊助雙鳬何勤四六之貽

更致再三之謝某推轂有味

並見前

引鼎不程

禮記引重鼎不程其

力詳見前

諸侯薦人與之諸侯安敢自必於天子國士遇我

報以國士所祈自拔於衆人

見前

回遂寧青石席知縣

遂寧為漢廣漢縣又分為德陽縣東晉於德陽縣界東南

置遂寧郡後周置遂州又改曰石山郡唐改為遂州改遂寧郡復為遂州陞東川防禦使又陞武信

軍節度宋因之提舉合遂等七州兵甲歲宗潛邸
陞遂寧府元改為州今為縣隸潼川府青石縣在
州北五十里舊名晉興西魏改青石隋唐屬遂州
宋屬遂寧府元併入小溪縣又併入遂寧州今為
遂寧縣青石山在今遂溪縣南一百七
十里山有青石可為鍾磬縣以此得名

伏以十年一別謂已造於筭班萬里重來胡尚淹於花

縣遠勤一介見畀雙鱗

並見前

恭惟某官政地名家祖風

餘韻

魏謩傳挺挺有祖風烈

故國之非喬木將在蘭蓀

說文蓀香草也陶隱

居云蓀生溪側似石菖蒲而葉無脊亦作荃

大厦之無棄材寧遺杞梓

韓詩大匠

無棄材尋尺各有施況當營都邑杞梓用不疑

顧限七階之選

見前

復疇百里之

庸

柳文皇天時庸審厥保承

會由晉興

解見題下

徑登魏闕某去此十暑

杜詩十暑岷山葛

依然一寒

范睢傳范叔一寒如此哉

不獨再辱於甄陶

蜀志

譙周傳再辱之恥何與一辱

俾守三榮之保障紙書賢於十部過勤

聯璧之貽終日雖則七襄終愧雙金之報

俱見前

回盤石李知縣

盤石即漢犍為郡之資中縣後周改盤石縣以州北有石如盤陀得

名徙資州治此兼置資中郡隋初廢郡後改州為資陽郡唐改郡為資州天寶初復為郡乾元初又為州宋為資州治元省入簡州今成都府資縣是也

一麾假守獲託鄭鄉十部遺書過勤卽翰見前愧先施之

不敏仰厚意以安窮

韓文仰感德以安窮

恭惟某官唐太白之

家蜀仲元之派

李仲元見法言見前

麟為聖人出也亦既在郊

韓文

麟之出必有聖人在乎位

鳳覽德輝下之是宜巢閣

賈誼

麟為聖人出也詳見前

傳鳳皇翔於千仞今覽德輝而下之尚書中

候堯即政七十載鳳凰止庭巢阿閣謹樹

顧屈一同

之尹式騰三異之聲

見前

君子學道則愛人諒牛刀之立

解縣令承流而宣化佇鳬鷁之橫飛

董仲舒傳今之郡守縣令民之師帥

所使承流而宣化也

某濫號專城適逢竭澤

見前

是邦大夫之賢者

何以教之

東坡答楊屯田啟聽其言信仁人之溥哉居是邦蓋大夫之賢者

吾黨小子

之斐然願有請也

回劍門王知縣

劍門本漢葭萌縣地蜀先主以霍峻為梓潼太守是時有劍門縣有

閣道至險及有閣尉諸葛武侯於此立劍門秦苻堅遣余成寇蜀攻二劍克之始有二劍之號隋置閣之地皆有關官而於二劍尚未置關唐置劍門縣劍門始置關又有大劍戎小劍鎮五代時董璋遣兵扼劍門關為七砦又於關北置永定關宋伐蜀克劍門擒蜀將王昭遠以劍門縣隸劍門關兵馬都監主之南渡以來劍門關亦列在利路十七郡之數領縣一治劍門

分榮德之麾濫乘一障

見前

聞湛恩之閭實冠四封

司馬相如

傳湛恩汪濊湛讀曰沈穢於喙反左傳我有四封而詰其盜史記張儀傳繕甲厲兵守四封之內

未遂

盍簪

易朋盍簪注疏盍合也簪疾也若能不疑於物以信待之則衆陰羣朋合聚而疾來也此借用王荆

公詩天涯無路盍朋簪歐陽公詩惜予不與朋合簪

猥勤貽翰恭惟某官人門具

美天分夙高

並見前

此笏乃今甘棠式光龜組

新唐書魏謩傳此笏

乃今甘棠銜宏漢舊儀列侯黃金印龜鈕文曰印丞相將軍黃金印龜鈕文曰章

故國非謂喬

木蓋在象賢藉魁奇忠信之才

韓文意必有魁奇忠信材德之民生其間

守

崢嶸崔嵬之險

蜀道難劍閣崢嶸而崔嵬一夫當關萬夫莫開

佇交鶚薦徑作

飛鳧某濫剖銅符獲倚珂里

張嘉佑傳嘉佑任金吾昆弟每朝軒蓋騶與盈閭巷

世號所居曰鳴珂里

未見顏色願聞拔薤之規

見前

聊欲絃歌尚邇

伐柯之則

陶潛傳聊欲絃歌以
為三徑之資可乎

回新應靈趙知縣

與侃○榮州唐為應靈州政和
義郡後為榮州宋立應靈縣與

榮德威遠資官
同隸榮州今廢

瞻五潢之派知敬清流

漢天文志軫西宮咸池曰天五
潢晉天文志三柱九星在畢北

其中五星曰天潢三國志注沐
並戒子書材質滓濁汚於清流

懷百里之章將迎新尹

有勤一介先畀雙鱗恭惟某官大雅不羣

並見前

小宗繼

別

禮記別子為祖繼別為宗繼稱者為小宗注諸侯之
庶子別為後世之始祖也謂之別子者公子不得稱

先君別子之世長子為其族人為宗所謂百世不遷之
宗別子庶子之長子為其昆弟為宗也謂之小宗者以

其將遷也精石渠五經之學豈必秘鴻寶之藏

劉向傳會立穀梁春秋召

更生受穀梁講論五經于石渠淮南有枕中鴻寶苑秘書言神仙使鬼物為金之術及鄒衍重道延命方世人莫見而更生父德治淮南獄得其書更生幼而讀誦以為奇獻之

酌玻璃七寶之杯自

合受龍巾之寵

李翰林別集序太白進清平調詞三章上命梨園子弟略約調撫絳竹使李龜

年歌之上調玉笛以倚曲太直妃持玻璃七寶杯酌西涼州葡萄酒笑領歌詞意甚厚妃飲罷敕繡巾重拜

乃肯宰山水之縣殆欲聞絃歌之聲一同懽然三異近

只

並見前

某濫茲試郡幸甚得朋

易西南得朋東北喪朋注西南致養之地與坤

同道者也故曰得朋杜詩遲暮嗟為客西南喜得朋似聞製錦之刀既有所試更

冀發硎之刃早疾其驅

見前

回三縣知縣

三縣蓋威遠資官
應靈皆榮州所轄

出幕罔功一星周矣

杜詩十年出幕府自可持旌麾尚
書數同日奏罔功左傳十二年謂

一終一星終也注歲
星十二歲而一周

分符非據二火矐然

易非所據而
據焉道經云

兩火一乃可以逃言劉中多名
山可避災也榮字亦二火故云

賴有同官之良或可聯

事而治伏惟某官揆才庸敏迪德浚明學古入官小試

子男之國

尚書學古入官議事以制孔注
言當先學古訓然後入官治政

凝民以政共

知父母之心佇交一鶚之章即趣雙鳧之觀某濫茲假

守幸甚為寮共惟帝臣正賴同心之協濟

尚書萬邦黎獻共惟帝臣

孔傳萬國衆賢共為帝臣

頗哀老子諒無袖手以旁觀

馬援傳頗哀老子使得邀

遊韓文巧匠旁觀縮手袖間

回資官文知縣

資官亦屬榮州今廢此啟蓋為徵發愆期故多諂讓之辭

無嚴諸侯必反之君方養勇

趙岐注無有尊嚴諸侯可敬者以惡聲加已已必以

惡聲報之所養育勇氣如是

與老人期後何也僕欲踐言

張良傳父去里所復

還曰孺子可教矣後五日平明與我期此良因怪之晚曰諾五日平明更往父已先在怒曰與老人期後何也

比立青紫囊以馳

東觀漢記制尚書以青布囊素封書謝玄傳好佩紫羅香囊此青紫囊蓋

用以盛文書者如丙吉傳赤白囊之類

欲易黃皂衣之擾

谷永傳皂衣之史此黃皂衣蓋

指吏不虞返旆

旆蒲蓋切說文繼旆之旗沛然而垂廣韻旗也繫旆曰旆左傳令尹南轅反旆

注將更自寒盟

左傳吳子使太宰嚭請尋盟公不欲使子貢對曰盟所以周信也寡君以為苟

有盟焉弗可改也已若有可改日盟何益今吾子必曰尋盟若可尋也亦可寒也尋溫寒歇也言若重溫使熱

亦可歇之使寒同僚敢不盡心自關大體

左傳吾嘗同僚敢不盡心乎丙吉傳以吉

知大體未信以為厲已故示小懲

易小懲大戒

茲望白圭之磨

且聽青氈之復

前見信近於義言可復也已更寬期會之

程

賈誼傳大臣特以簿書不報期會之間以為大故

過而能改善莫大焉幸無

託催科之拙

左傳人誰無過過而能改善莫大焉

回新宜賓黃知縣

慥。宜賓本漢犍為郡犍道縣後周改外江縣隋復為犍道縣

唐為義賓縣宋改宜賓為叙州治所

恭審榮分蒲壁入觀蘭陔

東晉補亡詩南陔孝子相戒以養也循彼南陔言采其蘭

眷戀庭闈心不遑安

牛刀割鷄更遡倒流之三峽

杜詩詞源倒流三峽水

鳳

簫駕鶴來寧未老之雙親

列仙傳簫史秦穆公時善吹簫能致白鶴孔雀公女字弄

玉好之以妻焉遂教弄玉作鳳鳴居數十年鳳凰來止其屋為作鳳臺夫婦止其上不下數年一旦皆隨鳳凰

飛去故秦氏作鳳女祠

喜氣先驅歡聲夾道

韓文夾道而疾馳

恭惟某官

罷資庸敏業履崇竑讀江夏未見之書盍登東觀

黃香傳香

博學經典究精道術能文章京師號曰天下無雙江夏黃童初除郎中肅宗詔香詣東觀讀所未嘗見書講

延平相傳之學宜侍西廂

宋道學傳李侗字愿中南劍州劍浦人年二十四聞蜀人

羅從彥得河洛之學從游累年從彥令靜中看喜怒哀樂未發前氣象而求所謂中者學者稱為延平先生周昌傳則耳於東廂聽注正寢之東西室皆曰箱言如箱篋之形上林賦象輿婉憚於西清注西清者西箱清淨

之若為出邾子之城

邾曹姓顓頊之後周武王封其苗裔邾俠為附庸齊桓公行霸邾儀

父附從進爵稱子說文邾江夏縣漢衡山王吳芮所都吳芮傳立芮為衡山王都邾還又宰熒侯

之國

說文熒捷為蠻夷从人棘聲司馬相如傳略通夜郎熒中注熒作印熒四種皆夷名地理志捷為郡

樊道注莽曰樊治應劭曰古樊侯國音詣
北反即今叙州府宜賓縣地互見第八卷
烏殆思於反

哺杜詩林鳥反燕亦急於歸梁種滿縣之花聊復爾耳
哺聲詳見前

見采行潦之藻其順矣乎詩予以采藻于彼行潦毛傳
藻聚藻也行潦流潦也孔疏

大夫之妻將行嫁欲為教成之祭言往何處采此藻菜
于彼流潦之中采之其順矣乎所謂以順為正也蓋黃

令時有婚姻之事付笑談於青油韓詩談笑養聲名於丹闕李

揚娥入丹闕鴻漸於陸不素飽也正佇來儀易漸六三鴻漸
於磐飲食衎衎

吉象曰飲食衎衎不素飽也正義曰素無謀養今日得
之故願莫先焉上九鴻漸于陸其羽可用為儀吉象曰

其羽可用為儀不可亂也王鶴鳴在陰其子和之何辭
弼曰峨峨清遠儀可貴也

好爵

易鶴鳴在陰其子和之我有好爵吾與爾縻之王

德是與縻散也

某蹢躅老矣

司馬相如傳嬖嫫勃窣上金隄嬖嫫嫫通作蹢躅

蹢躅依然

莊子蹢躅蹢蹢注足蹢也

但深吾愛吾廬之思

陶詩孟夏草木長逮屋樹扶疎衆鳥欣有

託吾亦愛吾廬

濫叨我任我輦之役

詩我任我輦我車我牛注轉運之役有負任者有輓

輦者有將車者有牽傍牛者

所幸依闌外之制

馮唐傳上古王者遣將也跪而推轂曰闌

以內寡人制之闌以外將軍制之注門中機為闌音牛列反

且獲聞庭下之趨悵銅

駝陌上之十年

陸機洛陽記洛陽有銅駝街漢鑄十二校在宮南四會道相對俗語云金馬門

外聚羣賢銅駝陌上集少年師古曰亦云銅駝街陳書徐陽西京無也晉懷帝紀步出西掖門至銅駝街陳書徐

陵傳盧龍之徑於彼新開銅駝之街於我長聞

獲金馬坊中之再見

方輿勝覽金馬坊在

成都府金馬碧鷄祠前漢宣帝間益州有金馬碧鷄之神遣諫議大夫王褒持節醮祭而致之宋賜額名昭應

廟封其神為靈光侯

莫懷漫刺

補衡傳初來遊許下始達潁川乃陰懷一刺既而無所之適至於刺

字漫

驚辱儷牋數面成親況嘗綴葭莩之契

陶靖節答龐參軍詩

序諺云數面成親舊況情過此者乎山谷詩數面尚成親況乃居相棟說文莩草也一曰葭中白皮中山王傳

非有葭莩之親鴻毛之重師古曰葭蘆也莩其筒中白皮至薄者葭莩喻著鴻毛喻輕薄甚也莩音孚

論

心道舊所願聞藥石之言

新唐書高季輔傳數上書言得失辭誠切至帝賜鍾乳一

劑曰而進藥石之言朕以藥石相報

欣幸惟深敷荼罔既

見前

回崇仁趙知縣

崇仁已見

隣粉榆之社聞飛禮樂之英

通典漢高帝初起禱豐粉榆社二年東擊項籍還入

關因名縣為公社後四年天下定詔御史令豐謹粉榆社注粉白榆社在豐東北十五里或曰粉榆鄉名高帝里社南史齊世祖在東宮日嘗於玄圃宴集沈文季數勸褚淵酒淵甚不平啟世祖曰沈文季謂淵經為其郡數加淵酒文季曰惟桑與梓必恭敬止

豈如明府亡國失土不識粉榆互見前

宰松桂之林知

報詩書之政

韓詩出宰山水縣讀書松桂林

萬里偶馳於蜀道

見前一厘

實受於滕仁

李其邑人

未遑馳箋猥辱委翰恭惟某官不羣

卓爾無敵飄然

見前

薰南豐之香文章有種

杜牧詩高摘屈宋豔濃薰

班馬香陳後山詩向來一瓣香敬為曾南豐

樂東平之善性行無瑕

左傳心苟無瑕

何惜乎無家

摘髭俯拾於巍科

騷詩連年收科第若摘領下髭

策足宜騰於

要路

選詩何不策高足立登要路津

留連棲鳳

北史王晞嘗詣晉祠賦詩曰日落應歸去魚鳥

見留連忽有相王使至晞不時至明日在丞相西閣祭酒廬思道謂晞曰昨被召已朱顏得不以魚鳥致怪晞緩笑曰昨晚陶然頗以酒漿被責卿輩亦是留連之一物豈直魚鳥而已梁元帝詩人生行樂爾何處不留

連邂逅飛鳬當師旅饑饉之餘得賢明慈惠之長佇交

鶚表徑上鴛行

俱見前

某弱念易盈

韓詩強懷張不滿弱念缺易盈

老形

已具

陳後山詩老形已具臂膝痛春事無多櫻笋采

我任我輩誤令置指以觀

風吾愛吾廬但願曲肱而飲水

俱見上條

惟是玉川之破屋

韓詩玉川先生洛城裏破屋數間而已矣

仰依蒲邑之茂林

家語子路治蒲三年孔子過之

入其境三稱其善子貢問曰夫子未見由之政而三稱其善可得聞乎孔子曰吾見其政矣入其境田疇盡易草萊甚闢溝洫深治此其恭敬以信故其民盡力也入其邑墻屋完固樹木甚茂此其忠信以寬故民不偷也至其庭其庭清閑諸下用命此其明察以斷故其政不擾也

易地則然行亦返曾子

之室得人焉耳會當聞言偃之絃

回丹稜范知縣

乙孫○丹稜在眉州西八十里本漢南安縣地屬犍為郡南齊置齊

樂郡後周改齊樂縣隋初改丹稜縣又析置洪雅縣俱屬嘉州唐屬眉州宋復以洪雅屬嘉州丹稜

屬眉州

眉州荀監酒

辨之

李監稅

詰輔。原本合為一則。歲本分入監

當官今

仍合之

山壘終更已上投閒之請

段會宗傳谷永聞其老復遠出與書戒曰毋求奇功終更

並還韓文投閒置散

江鄉改牧莫知誤渥之由

唐崔敬嗣為房州刺史中宗安置在

州官吏多無禮敬獨敬嗣以親賢待之供給豐贍中宗深德之及登位有某州刺史崔敬嗣既同姓名每進擬御筆起拜者數四及引與語方知誤寵

方露悃以控辭荷雲牋之委貺恭

惟

知縣

人門具美天分素高

見前

暫紆臺閣之登

紆音於說文註

也又曲也縈也周禮連行紆行

屈試弦歌之政

監酒

典刑茂著學問深

醇差池宦路之老成

差池燕飛貌詩燕燕于飛差池其羽鄭箋謂張舒其尾翼

主當

糟邱之醲郁

當工故切主也廣韻主當陳暄與元子秀書速營糟邱吾將老焉韓文浸沈醲郁含

燕阻 ○ 監稅

罷資凝粹學業端深巍巍名第之英淹卹

征商之權

卹通作恤音與屋韻肅同說文憂也左傳晉人曰天禍魯國君淹恤於外

恢恢游

刃足立解於千牛整整華鑣可坐空於凡馬

杜牧之詩整整復斜

斜 佇公車之交剡即要路之疾驅某五技已窮

見 再鼓

愈淡

韓詩有琴具徽絃再鼓聽愈淡

已乞歸銅陵之磴或許告還

石磴在撫

州城西三十二里銅山謝靈運入華子岡麻源第三谷詩銅陵映碧澗石磴瀉紅泉 儻共飲玻瓈

之江尚希愛助

玻璿江即蜀江在眉州城外漢安帝以蜀都廣漢徙為三蜀故名蜀江東玻

送楊孟容詩我家峨眉陰與子同一邦相望六十里共飲玻璿江

回新神泉史知縣

大川○神泉本漢涪縣地晉僑置西充國以縣屬巴西郡隋屬

金山郡開皇改神泉唐屬綿州宋置石泉軍以龍安神泉隸焉今廢神泉在縣西平地冬溫夏沸氣如附子能愈衆疾今亦不驗矣

依芙蓉之幕嘗辱贈言

荀子贈人以言重於金石珠玉

宰松桂之林未

遑執訊

韓詩出宰山水縣讀書松桂林詩執訊連連詳見前

茲守鳴珂之里

見前回劍

門王知縣條

還蒙投壁之光恭惟某官罷宇宏深

梁書朱昇傳罷宇弘

深神表峯峻王僧辨傳
麗宇弘深風格詳遠

丰神峻整陽休山立克世金魁

之家玉潤冰清近續符溪之學

衡玠傳玠妻父樂廣有海內重名議者以為婦

公冰清女壻玉潤

暫牛刀之小試即鶚表之交飛論坡穎歐蘇

之文既聞耳矣

食貨志既聞耳矣如淳曰聞於天子之耳

嗣嚴揚陳李之響

尚寓目焉

嚴君平揚雄陳子昂李白皆蜀名人陳後山詩異人間出駭四方嚴王陳李司馬揚左傳

得臣與寓目焉言得寄目

某未果避堂

見前

先蒙枉駕拜關雎五章之

既真盈耳以洋洋

毛詩關雎五章章四句正義云五章是鄭玄所分

歌白駒一

束之詩無遐心而皎皎

詩皎皎白駒在彼空谷生芻一束其人如玉母金玉爾音而有

遇心正義云言乘皎皎然白駒而去之賢人令在彼大國之中矣汝於彼所至主人禮餼雖薄止有生芻一束耳當得其人如玉者而就之不可以貪餼而棄賢也餘見前

回新都史知縣

奉溫○新都在成都府北六十五里本漢舊縣屬廣漢郡後置新都

郡晉徙新都郡治維縣仍屬焉梁置始康郡西魏郡廢隋改新都曰興樂縣後併入成都唐復置新都縣宋因之

聞武城之歌未窺半面

謝承後漢書應奉嘗詣彭城相袁賀賀時出行造車匠於內開

門出半面視奉後數十年於路見匠識而呼之北齊書楊愔聰明強識半面不忘每有所召問或單稱姓或單稱名無有誤者後有選人魚漫漢自言猥賤獨不見識愔曰卿前在元子思坊騎禿尾草驢經見我不下以方

翹障面我何不識卿漫漢驚服人調之
曰名以定體漫漢果自不虛互見前
讀阿房之賦敢

靳一言

靳居焮切韻會各也

粗欲無患其不公

進學解行患不能成無患有司之不

公

敢冀有文以相接

董仲舒傳蔡然有文以相接驩然有恩以相愛此人之所以貴也

恭惟某官玉壘名閬

玉壘山在灌縣西北二十九里前水所出左思賦包玉壘以為宇郭

璞賦玉壘作東別之標杜詩玉壘浮雲變古今

金魁故家文勝質質勝文不難

百勝

史記百戰百勝趙充國傳戰而百勝非善之善者也

學優仕仕優學信是兩

優戰青袍白紵之中

東坡送李方叔詩青袍白紵五千人知子無怨亦無德

鏗綠

綺黃鍾之韻

梁元帝纂要古琴名有清角鳴廉修汎藍留號鐘自鳴空中繞梁綠綺焦尾鳳凰注

綠綺司馬相如琴樂叶圖徵黃鐘
生一一生萬物故君子鑠金為鐘
比見天地人之策本

本元元

班固西都賦元元本本邪見洽間
漢書叙傳元元本本數始於一

可如果達執

之材恢恢綽綽漫爾吹河東之賦俾之空冀北之羣其

叨領竹符獲依粉社

並見前

於我本無怨而無德詎敢收

私室之恩

見上文

贈行不以頌而以規更願直大廷之對

昌黎送許鄧州序余與使君非燕遊一朝之好也故其贈行不以頌而以規

回青神權縣嚴縣丞

西○青神縣在眉州南八十里本漢安南縣地屬犍為郡

西魏置青衣縣蓋取蠶業氏青衣以勸農桑為名
後周改青神縣併置青神郡隋初罷郡以縣屬嘉

州唐屬眉
州宋因之

聞蜀莊之珍幸於既見

王貢兩龔鮑傳序谷口有鄭子真蜀有嚴君平師古曰地理志

謂君平為遵三輔決錄云子真名樸君平為尊則君平子真皆其字也蜀珍詳見前詩既見君子我心則降

見韋邠之牘得所未聞

韋陟傳龔邠國公常以五色牋為書記自謂所書陟字若五色

雲時人慕之號

邠公五雲體

報不成章

詩不成報章

還若為贄

儀禮士相見禮主人

復見之以其贄曰羣者吾子辱使某見請還贄於將命者注復見之者禮尚往來也以其贄謂羣時所執來者也

恭惟某官岷峨峙秀江漢濯靈貢鄉英門率出下風

之請

韓詩歲貢鄉曲英莊子黃帝順下風膝行而進左傳羣臣敢在下風鄒陽傳竊高下風之行

以

春秋對亟膺上計之招

嚴助傳賜書曰君厥承明之虛勞侍從之事懷故土出為郡吏

間者闕焉久不聞問其以春秋對無以蘇秦從橫

居然全材屈此贊府

南部新書裴子

雨為下邳令張晴為縣丞二人有聲氣而善言語曾論事移時吏人竊相謂曰縣官甚不和長官稱雨贊府即

道晴贊府稱晴長官即道雨終日如此非不和乎

有來寄箋於紫袷

袷音夾說文衣無絮

徐曰夾衣也或作袷史記匈奴傳服繡袷綺衣註言繡表綺裏

知既攝宰於青衣

注見題下

佇奏一同之庸亟登三異之最

見前

躡故迹破崖岸端使

然哉

昌黎藍田縣丞廳壁記博陵崔斯立以大理評事再轉而為丞喟曰丞哉丞哉余不負丞而丞負余

則盡拚去牙角一躡故迹破崖岸而為之又諺數慢必曰丞至以相訾訾丞之設豈端使然哉馳閭闔

入凌競自此升矣

甘泉賦馳閭闔而入凌競師古曰凌競者言寒涼戰栗之處揚震傳先生

自此升矣

昌黎接後進之名何為至我

昌黎答劉正夫書凡舉進士者於先進之


門何所不往先進之於後輩苟見其至寧可以不答其意耶來者則接之舉城士大夫莫不皆然而愈不幸獨有接後輩名名之所存謗之所歸

藍田愁羣山之望行

又見君

昌黎雪後寄崔二十六丞公詩藍田十月雪塞關我興南望愁羣山攢天鬼鬼凍相望君乃寄

命於其間



四六標準卷三十三

欽定四庫全書

集部

四六標準卷三十四至六

詳校官庶吉士_臣何道沖

主事_臣呂雲棟覆勘

總校官進士_臣繆琪

校對官助教_臣羅萬選

謄錄監生_臣倪景寬

欽定四庫全書

四六標準卷三十四

宋 李劉 撰

丞

漢丞尉多以本部人為之晉後無丞唐置京縣丞三員北京太原晉陽各置一人宋初不置丞天聖

中因蘇耆請開封兩縣始各置丞一員在簿尉之上仍於有出身幕職令錄內選充皇祐中詔赤縣丞並除新改官人熙寧四年詔洛軍州繁劇縣令戶二萬以上增置縣丞一員以幕職官或縣令人充元祐元年詔應因結納常平免役置丞並行省罷以後沿革不常紹興三年以淮東累經兵火權罷縣丞十八年置海陵丞一員嘉定後

小邑不置丞以簿兼

通寧鄉陳縣丞

慎○寧鄉已見李時為其邑簿

武功之丞簡靖久矣沐芳

柳文武功縣丞廳壁記武功為甸內大縣潁川陳南仲居

是官邑人宜之號為簡靖夫以武功疆理之大人徒之多而陳生以簡靖輔其理斯固難矣

臨邑之

簿卑棲茲焉假蔭

杜工部集臨邑舍弟書至苦雨黃河汎溢隄防之患簿領所憂因寄此詩

以寬其意詩云舍弟卑棲邑防川領簿曹尺書前日至版築不時操互見前

敢以尺書之敬

進於再拜之先

韓文謹伏光範門下再拜獻書相公閣下

恭惟某官遠抱甚

都

司馬相如傳雍容閒雅甚都師古曰都閒美之稱也

壯猷孔碩

詩克壯其猷又其詩孔碩說文

碩頭大也廣韻大也

清明志氣胸中風月之無邊

禮記清明在躬禮記清明在躬氣志如神山谷

濂溪詩序春陵周茂叔人品甚高胸中灑落如光風霽月

沈浸文章筆下源泉之不

擇

進學解沈浸醺郁含英咀華作為文章其書滿家

盍

徑要津之立

杜詩立登要路津

顧淹贊縣之留鳳凰自下而升

高聊復爾耳

張鷟集九千里之丹鳳自下升高七十日之黃龍從微至著注宋玉曰鳳凰上擊力

千里翱翔乎窈冥之上藩籬之鷄豈得料其高哉相書占氣要曰日中有黃氣如龍七十日遷為丞也阮咸傳

未能免俗

聊復爾耳

鴈驚鉗左而摘右端使然哉

昌黎藍田縣丞壁記文書行吏

抱成案諸丞卷其前鉗以左手右手摘紙尾鴈驚行以進丞涉筆占位署惟謹不敢略省漫不知何事丞之設

豈端使然哉互見前

雙陸之勢無休

大唐新語宋守敬為吏清白謹慎累遷臺省終于絳州刺

史其任龍門丞年已五十八數年而登列嶽每謂寮屬曰公輩但守清白何憂不遺俗云雙陸無休勢余以為

仕宦亦無休
勢各宜勉之
九萬之程斯下
某崎嶇副墨漫浪勾朱士

安得自高妄欲比隣之託

俱見前

余方有公事願聞掃溉

之吟

藍田縣丞廳壁記庭有老槐四行南牆鉅竹千挺儼立若相持水瀧瀧循除鳴斯立痛掃溉對樹二

松日哦其間有問者輒對曰
余方有公事子姑去互見前

回桐廬朱縣丞

中肖○桐廬本漢富春縣之桐溪鄉孫吳廣武中析置桐廬縣屬吳

郡隋初廢仁壽中復置屬睦州唐初置嚴州
尋廢以縣屬睦州宋初屬杭州後屬建德府

短啟代庖已忘西施之唐突

忘無放切廣韻遺忘也周顓傳何乃刻畫無鹽唐突

西施詳見前

長箋倒廩尚憐東野之龍鍾

韓文遇足下之請懇懇猶將倒廩傾

國羅列而進也醉留東野詩
東野不得官白首誇龍鍾
一謙之光三復以愧恭惟

某官人門濟美

見前

風調拔羣觀東閣之奇詎當相吏

朱雲

傳薛宣為丞相雲往見之宣備賓主禮因留雲宿從容謂雲曰在田野無事且留我東閣可以觀四方奇士雲

曰小生廼欲相吏即宣不敢復言

歌南陽之直真足自強

朱暉傳暉字文季南陽宛

人也遽臨淮太守吏人畏愛為之歌曰強直自遂南陽朱季吏畏其威人懷其惠易天行健君子以自強不息

試窺千萬琳琅之毫芒

韓詩平生千萬篇金薤垂琳琅流落人間者太山一毫芒詳見

前豈以八九雲夢而芥蒂

見前

對藍田千挺之竹肯負丞

哉

見上條

續桐江一絲之風今召君矣

山谷嚴陵釣臺詩平生久要劉文叔

不肯為渠作三公能令漢家重九鼎桐江波
上一絲風汲黯傳君薄淮陽耶吾今召君矣
某見賢不

敏拜賜何居

左傳秦獲孟明釋之孟明日若從君惠而免之三年將拜君賜又戰於彭衙秦師敗

續晉人謂之

拜賜之師

士廉未識桃推亟當進謁

新唐書隱逸傳朱桃推益州成

都人澹泊絕俗高士廉為長史備禮以請降階與之語
不答瞪視而出士廉拜曰祭酒其使我以無事治蜀耶
乃簡條目薄賦斂州大治東坡詩士
廉豈識桃推妙妄意稱量未必然
永叔强差韓愈願

勿失言

回華陽李縣丞

提之○華陽本秦成都縣地唐貞觀中分置蜀縣與成都縣分治郭

下乾元初改為華陽縣取華陽黑水惟梁州之義宋因之

題曲江之名夙嘗託契

見前

贊武功之理茲幸為僚

見首條

方有候於中消

見前

乃先覲於下問恭惟某官行無瑕類

瑕何加切說文玉小赤也廣韻玉病禮記瑕不掩瑜注
瑕王之病也疏云案字林瑕玉小赤而云病者以瑕與
瑕疵字義同故云類音類說文綠節也又疵也柳玼傳
玼嘗戒其子曰凡門第高可畏不可恃門高則驕心易
生疵盛則為人所嫉
少有疵類人皆指之學有本原克長吉錦囊之文命騷

可僕

杜牧李賀集序使賀未死少加以理奴僕命騷可也餘見前

飽鄴侯牙籤之讀

繼別為宗

見上卷回新應
靈趙知縣條

胡為再命之材

周禮再
命受服

淹此

一同之貳

見前

鴈鶩鉗左而摘右端使然哉鳳凰自下而

升高將在此矣

並見首條

某冒嘗險阻

左傳險阻難備嘗之矣

全蹈拙

疎歎同年琴上之星感舊游之如夢

東坡送家退翁知懷安軍詩吾州同

年友聲若琴上星當時功名意豈止拾紫青

共萬里橋邊之月幸末路之得

朋

謝莊賦隔千里今共明月萬里橋在成都韓詩幸同學省官末路再得朋

代回武進陳縣丞

貴成○武進本漢丹徒曲阿二縣地三國魏黃龍初改丹徒為

武進晉太康初別置武進縣於丹陽之東境太興初於武進僞置南蘭陵郡梁天監中改為蘭陵縣屬南蘭陵郡隋省入曲阿屬江都郡唐武德復置武進縣貞觀省入晉陵垂拱初復置五代楊吳時徙治都城內與晉陵俱為附郭宋因之本朝省晉陵縣入武進今人但見曲阿之編而不知武進

金壇皆其

一支也

名家勝士自有公言

羊祜傳賢達勝士陳後山詩江西勝士與長吟文帝紀所言公公言

之東坡詩錄
衣有公言

助國舉賢古無私謝枉長箋之委重搔短

髮以寘慙

詩搔首踟躕杜詩羞將短髮還吹帽又白頭搔更短渾欲不勝簪陳書蕭摩訶傳慙寘無

地恭惟某官千里名駒九苞威鳳

俱見前

大科異等一翁

二季之相望

陳後山贈二蘇公詩一翁二季對相望太科異等固其常詳見前

茂實英

聲七略羣書之兼總

劉歆傳歆乃集六藝羣書種別為七畧菑文志劉向卒哀帝復使向

子歆卒父業於是總羣書而奏其七畧餘見前

謂即登瀛洲而給札

司馬相如傳請為天

予遊微之賦上令尚書給筆札師古曰札木簡之薄小者也時未多用紙故給札以書

顧欲破崖

岸而為文

韓文藍田縣丞廳壁記破崖岸而為之注為之方作為文而讀連下句曰為文丞謂猶文具也朱文公云按文丞不成文理今云為文似歇後語斷章取義可也

余不負丞丞負余

誰其知者

見前

學而優仕仕優學似是兼之無謂我豈要

子隣始為人識亦知吾徒得君重少應時須

汲黯傳吾徒得君重

杜詩竇氏檢察應時須又管葛本時須山谷詩公自才力應時須

所愧明陟之章

尚書三考

黜陟適引暗投之惠

鄭陽傳以暗投人于道詳別見

某三復墨妙

文選淵雲

之墨妙

十襲珍藏

闕子宋之愚人得燕石於梧臺之東歸而藏之以為寶草置十重緹巾十襲客

見之掩
口而笑

儀圖之莫助之更期進德匪報也為好也聊復

成章

並見前

回樂安趙縣丞

彥彬○樂安本撫州崇仁縣西南三鄉及吉安永豐縣一鄉宋紹興

中割置樂安縣因有樂安鄉故名

老驥嬰珊猶戀天山之秣

晉拂舞歌老驥伏櫪志在千里子虛賦嬰珊勃率上金隄

漢書漢使貳師將兵三萬騎出酒泉擊右賢王於天山又且西彌國王治天山東大谷去長安八千六百七十里續漢書竇固出塞至天山西河舊事天山高冬夏常雪故曰白山匈奴謂之天山過之皆下馬拜在蒲海東一百里即漢貳師擊右賢王之處山海經天山多金玉有雄黃英水出焉而西流注於陽谷九州要記涼州古

武都有天山黃帝受金液神丹于此今按天山雪山祁連山白山其實一也明帝紀擊破白山虜於蒲類海上章懷注云山冬夏有雪故曰白山匈奴謂之天山西河舊事祁連山在張掖酒泉二界宜六畜匈奴失祁連山歌曰亡我祁連山使我六畜不蕃息東坡詩可憐老驥真老矣無心更秣天山禾 名駒奇俊適

追電影之鞭

王褒傳追奔電逐遺風崔豹古今注秦始皇有七名馬追風白兔躡景追電飛翔銅

爵晨

幸喜論交過勤執訊

爾雅訊言也疏云訊問以言也說文問也詩執訊連連

恭惟某官近於大雅

景十三王傳贊夫惟大雅卓爾不羣河間獻王近之矣

博以

羣書

司馬遷傳劉向揚雄皆博極羣書

太白詞章宜有六丁之取更生

經術豈無太乙之知不應賜第之餘復作贊公之試鴈

驚平立未妨破崖岸以為文驚鳳高翔會即決雲霄而布武某為寮有幸辱問相先揣宏景之頭顱歸已晚矣

俱見前

畫嚴丞之手板猶願見之

唐鄭綰開天傳信記玄宗御勤政樓大酺縱士

庶觀看百戲競作人物填咽金吾衛士白棒雨下不能制止上患之謂高力士曰吾以海內豐稔四方無事故盛為宴樂與百姓同歡不知下人喧亂如此汝何方止之力士曰臣不能也陛下試詔嚴安之處分打場以臣所見必有可觀上從之安之至則周行廣場以手板畫地示衆曰犯此者死以是終五日酺宴咸指其畫曰嚴公界竟無一人敢犯者封氏見聞嚴安之崔諱俱為赤尉力行猛政譚思安之名出已右每事欲先之安之使五百執大杖引前譚則益寵其杖安之越寵譚亦轉寵至不能舉安之遂令執小杖譚亦益細其杖安之越細

譚亦轉細至不堪用安之遂都去其杖譚果不能學今按安之為赤尉此云丞不知何據

代回樂安趙縣丞

彥彬

推士轂而及丞味言何有

鄭當時傳其推轂士及官屬丞史誠有味其言也

旁

使車而從子哦句已來

藍田縣丞廳壁記對二松日哦其間

一謙之光三

復以愧恭惟某官諸劉族屬

文帝紀復諸劉有屬籍家無所與王莽傳諸劉更屬

籍又諸劉為郡守皆徙為諫大夫高駢詩本支強我李磐石冠諸劉東坡詩南嶽諸劉豈易逢

為漢宗

英

叙傳禮樂是修為漢宗英

馳閭闔入凌競則為宜耳

甘泉賦馳閭闔而入凌競

師古曰凌競者言寒涼戰栗之屬

去角牙破崖岸端使然哉

見上條

剡三

載之陟明愧一言之不智然無華乃安靜之吏

章帝紀
安靜之

吏惴惴無華日計
不足月計有餘

則所美豈鞶帨之文

法言今之學也
非獨為之華藻

也又從而繡其鞶帨注鞶大帶也帨佩巾也所言備物
而為飾也言古之學者存其大體所以易也今之學者
有經傳章句如華藻繡鞶
帨其文彌繁所以難也有望於君不孤此意其已成

歸計更辱贈言布襪青行纏吾已從此逝矣

纏澄延切
古樂府有

雙行纏謂行膝即足衣也杜詩青鞋布襪從此始東坡
詩我遊蘭溪訪清泉已辨布襪青行纏史記高祖本紀

公等皆去吾
亦從此逝矣珠宮紫貝闕子盍歸而求之

屈原九歌魚
鱗屋兮龍堂

紫貝闕今朱宮東坡
詩豈有貝闕藏珠宮

代回樂安趙縣丞彥彬

題藍田之壁君受代以不遥厭承明之廬我治任兮更

迫

並見前

何勤委翰仍費屬辭恭惟某官以貴王孫

韓信傳

哀王孫而進食注王孫如言公子也杜詩尚覺王孫貴豪家意頗濃

為名進士巖邑更刀

之後非復昔時贊公游刃其間疑有餘地及瓜近只

並見

前

拔茹誰歟

易拔茅以其連茹

敢掄陟明之章少寓愛助之意

某投簪不力曳履胡顏

並見前

以一身而備百工暮可已

矣

時月湖為工書

總羣書而奏七略子必勉之

藝文志哀帝使劉向子歆卒父

業歆于是總羣書而奏其七畧故有輯略六藝略諸子略詩賦略兵書略術數略方技略

回錢塘趙縣丞

彥的。○秦置錢塘縣屬會稽郡漢為會稽西部都尉治所東漢縣省

晉復置屬吳郡陳於此置錢塘郡隋為杭州治唐改唐為塘宋因之

余方有公事鼎來赤縣之官曹

韓文藍田縣丞廳壁記余方有公事子姑去杜

詩赤縣官曹擁材傑軟裘快馬當冰雪

我未免鄉人益愧白頭之幕府

杜詩

白頭趨幕府

有勤執訊

見回樂安趙縣丞條

敢闕報章恭惟某官卓爾

不羣飄然無敵尋玉清洞中之字已書會計之功

茅君內傳

第六赤城丹山之洞周迴三百里名曰紫玉清平之天方輿勝覽玉京洞在天台北七里赤城山右蓋第六洞

天許邁常居之與王羲之書曰自天台至臨海多有金
堂玉室仙人芝草余爽詩東臨滄海見羣仙誤入桃源
小洞天一局殘棋消幾
刻老龍鬚甲已蒼然
展錢唐江上之圖更動吟哦之

興

錢唐江源自歙州界經州又東北流入於海劉禹錫
詩八月濤聲吼地來頭高數丈觸山回須臾卻入海

門去卷起沙堆似雪堆李白詩浪打天門石壁開海神
來過惡風回浙江八月何如此潮似連山噴雪來東坡

詩江神河伯兩醺鷄海若東來氣吐霓
安得夫差水犀手三千強弩射潮低

手板暫煩於畫

地

見上

觚稜何遠於去天

稜虛登切西都賦上觚稜而
按金雀注殿堂上最高處

某轍鮒孤蹤

見前磨牛陳迹

東坡詩團團如磨
牛步步踏陳迹喜似人於

千里沉辱託於粉榆雖異事而同寮尚不遺於葑菲

俱見

前

回富陽趙縣丞

先祖○富陽本漢富春縣屬會稽郡東漢屬吳郡孫吳置東安郡治

富陽尋廢郡仍屬吳郡晉改富陽縣屬杭州宋因之

倚使者之車笑癡兒之未了

傅咸傳生子癡了官事詳見前

題丞哉之

壁聞公子之鼎來未果修辭先勤執訊

俱見前

恭惟某官

五潢龍種

史記天官書咸池曰天五潢五潢者五帝車舍杜詩龍種自與凡人殊

千里駒

材見前早宣采棒之威

曹瞞傳太祖初入尉廨繕治四門造五色棒縣門左右各十餘枚有

犯禁者不避豪強皆棒殺之

坐獲綠林之賞

後漢書諸亡命聚藏綠林山中注綠林荊州山

名鴈驚箱行而平立端使然哉鳳凰自下而升高恐不

免耳

俱詳首條

某強名入幕正愧面墻赤縣官曹喜依仁之

有幸

杜詩何處可依仁餘見上條

黃塵衣帽或分蔭之自今

杜詩時危兵甲

黃塵裏山谷詩黃塵逆帽馬辟易又九陌黃塵烏帽底五湖春水白鷗前

回益陽李縣丞

益陽本秦舊縣屬長沙郡以縣在益水之陽故名漢屬長沙國豫吳

屬衡陽郡唐屬潭州宋屬鼎州尋復屬潭州○詳故意蓋時為寧鄉簿寧鄉益陽皆長沙屬縣

江西之有宗派昔已論交

呂居仁有江西詩派圖詳見前

湘水之逢故

人今將聯事

許渾詩蕭湘逢故人詳見前

尺紙良勞於遺遠白頭何

至於如新

鄒陽傳語曰白頭如新孟康曰初相識至白頭不相知

恭惟某官翰墨

勝流典刑前輩人言短李釣竿已負於珊瑚

新唐書李紳字公垂

為人短小精悍於詩最有名時號短李白樂天詩悶勸
迺辛酒間吟短李詩又每被老元偷格律苦教短李伏
歌行又老張知定伏短李愛應顓公自注張十八籍李
二十紳皆攻律詩故云杜詩巢父掉頭不肯住東將入
海隨煙霧詩卷長留天地間釣竿欲拂珊瑚樹
短李蓋以自況李時為簿亦暗用短李簿事

天遣長

庚霞佩正垂於金薤

李陽冰草堂集序驚姜之夕長庚入夢故生而名白以太白字之世

稱太白之精得之矣東坡詩天教明月伴長庚韓詩李
杜文章在光焰萬丈長平生千萬篇金薤垂琳琅乞君
飛霞佩與我高韻頽長庚謂進參於諸老願退貳於一
以況李丞蓋以太白方之

邦旃尾無辭需頭有薦

蔡邕獨斷章者需頭奏者亦需頭表者不需頭詳見前某

束春秋於五傳

韓詩春秋三傳束高閭方本三作五朱文公云鄭夾春秋世已無傳而當世見

行三傳作五非也李所引用多取方本蓋文公校定本未出故也

訪離騷之一經

長沙為屈

原自沉之地故云

士安得自高政欲比隣之請余方有公事願

聞掃溉之吟

俱見前

代回麗水童縣丞

堯。麗水已見

考陟明之績輒剡需章屬比事之辭遽鳴謙德

俱見前

於

禮為過此意則勤恭惟某官文獻故家詩書夙好

陶詩詩書

敦風好園 彼不即汝而汝即彼既執蝮蛇

河東宥蝮蛇文家有僅善

執蛇晨持一蛇來謁曰是謂蝮蛇余謂僮曰彼居榛中汝居宮內彼不即汝而汝即彼後漢書野王三老傳即

人者人亦即之注即余不負丞而丞負余寧問鴈驚

見前

烏何關於屋上

詩鴈烏爰止于誰之屋太公六韜武王登夏臺以臨殷民周公旦曰臣聞之愛

其人及其屋上烏憎其人者憎其除黔固詠於邑中

左傳

宋太宰皇國父為平公築臺於門妨於農牧子罕請人農功之畢公弗許築者謳曰澤中之皙實興我役邑中

之黔實慰我心澤門宋東城南門也皇國時而颺之

尚書

工以納言聊復爾耳其有二宜去

俱見前

以兆足行舉能

其官亦有無窮之聞

尚書舉能其官惟爾之能

仕優則學願收可大

之功

代回宣城張縣丞

曼德。宣城本漢丹陽郡宛陵縣地順帝置宣城縣隋宣州治

此唐初析置懷安縣尋省宋因之

升陟一章何能借重謙勤尺牘又復拜嘉

左傳鹿鳴所以嘉寡君也

敢不拜嘉柳詩憲府初收迹丹墀共拜嘉

其文固自粲然此禮略之可也恭

惟其官清餘家法

徐防傳博士弟子皆以意說不守家法

敏有吏才

崔寔傳明

於政體吏才有餘

翠竹深林久已觀於停峙

韓文當是時見王於北庭猶高山深

林鉅谷龍虎變化不測傑魁人也退見少
傅翠竹碧梧鶯鵲停峙能守其業者也
老槐古縣茲

良費於吟哦

韓駒父詩縣古槐根出官清馬骨高藍田縣丞廳壁記庭有老槐四行日哦其間詳

見前無俟書來亦當刻入未見分毫之補又勤四六之貽

某辭壁未能報瓊又乏

俱見前

樓臺近水奈何秋月之闌

干

闌干橫斜貌曹植詩月落參橫北斗闌干餘見前

桃李成蹊佇見春風之披

拂

李廣傳贊桃李不言下自成蹊師古曰蹊謂徑道也言桃李以其華實之故非有所召呼而人爭歸趨來

往不絕其下自然成徑以喻人懷誠信之心故能潛有所感也莊子孰嘔吸是孰居無事而披拂是

代回宣城張縣丞

曼德

厭承明之廬我動歸歟之興題藍田之壁公傳至止之

期四六鼎來再三復熟

俱見前

恭惟某官影纓華袂

選詩仕子

影華纓

簪筆名家再轉為丞坐閱十年之久

東坡詩坐閱諸公半廊廟

一鼓作氣會搏萬里之程

左傳一鼓作氣再而衰三而竭

願嗇龍文虎

脊之精神

杜子美畫馬贊魚目瘦腦龍文長身雪垂白肉風覺蘭筋漢書禮樂志天馬徠出象水虎

脊兩化若鬼應劭曰馬毛色如虎脊者有兩也

靜聽蟲臂鼠肝之造化

莊子以汝為蟲

臂乎以汝為鼠肝乎

某自知日薄

楊雄傳臨汨羅而自殞今恐日薄於西山

豈可夜行

魏志田預字國讓微為銜尉屢乞遜位司馬宣王以為預克壯書喻未聽豫書答曰年過七十而以居位譬猶

鐘鳴漏盡而夜行不休
是罪人也遂固稱疾篤
疲馬之戀君軒已將告老
鮑照詩疲

馬戀
君軒
騎驢之到京國猶及語離
韓詩騎驢到京國欲和薰風琴豈識天子居九

重鬱
沉沉

代回海鹽梁縣丞

成章○秦析吳縣地置海鹽縣屬會稽郡漢因之莽曰展武後

陷為湖移治武原鄉改為武原縣東漢復為海鹽屬吳郡又改故邑縣晉復為海鹽陳省入鹽官縣

唐復置石晉屬秀州宋初仍舊後屬嘉興府○詳故意蓋代月湖

五雉分工近承誤渥雙魚尺素遠
勿故情恭惟某官拾

芥有年哦松何晚

俱見前

翦伐誰能送只令志士之嗟

杜陵

古栢行大厦如傾要梁棟萬牛回首邱山重不露文章
世已驚未辭翦伐誰能送苦心豈免容螻蟻香葉終驚
宿鸞鳳志士幽人莫怨嗟古來才大難為用

精悍吾所聞正自可人之意

東坡

詩城西兩謝俱能文
豫丞精悍吾所聞

猶借齒牙之餘論見華喉舌之納

言

俱見前

其似是水曹

通典魏尚書有水部郎後魏北齊有水部屬都官尚書後周有司水

大夫隋初為水部侍郎屬工部唐天寶中改水部為司
水杜詩愛酒晉山簡能詩何水曹注何遜能詩為水部
郎王微之傳似是馬曹時
月湖遷工部尚書故云

已承天寵

易在師中吉
承天寵也

告者

過也想以為司馬之官行或使之惟當返屠羊之肆

月湖

以刑侍陟工書而來
啟誤為兵書故云

回崇仁朱縣丞

汎。崇仁已見此啟亦代月湖

文昌之座高華偶然序進

晉天文志文昌六星在北斗魁前天之六府也主集計天

道唐天文志天之六司劉伯疏八座比于文昌二丞方於管轄

武功之官簡靖亦以書

來

見首條

所愧陳人有慙善頌恭惟某官天葩吐藻

俱見前

地芥決科

法言須以發策決科

鸞鳳高翔時來則為之耳鴈鷺平

立丞豈端使然哉似聞臺府之見知又欲絃歌而相試

解牛既效薦鶚何疑某司臬無庸僨功有命老夫耄矣

恐孤喉舌之納言曷月歸哉猶借齒牙之餘論

並見前

回彰明黃縣丞

亘○彰明本漢涪縣地晉自沙成
移漢昌縣僑治于此屬巴西郡後

魏改為昌隆縣隋屬金山郡唐先天初改為昌明縣屬綿州後唐時又改為彰明縣宋因之通篇用

山谷語黃丞

豈其後人耶

老我蹒跚甘一麾之出守

王荊公詩老我孤主恩陳後
山詩老我何所懷躡蒲官切

跚相干切蹢蹢行不進貌通作嬾嬾司馬相如傳故
嬾嬾勃窣又作嬾蹢蹢散平原君傳有嬾者嬾蹢蹢行汲

騰踏甫再轉而為丞

踏達合切韓詩
飛黃騰踏去

馳情空邇而人遐

詩東門之墀茹蕙在阪其室則邇其人則遠梁書阮孝緒傳任昉尋其兄履欲造而不敢望而歎曰其室則邇其人則遠為名示問禮逾而情過韓文苟來者吾斯進之而已矣烏待其禮流所欽尚如此

示問禮逾而情過

韓文苟來者吾斯進之而已矣烏待其禮

逾而情過乎

恭惟某官金華一派

神仙傳黃初平丹溪人年十五家使牧羊有道士見

其良謹將至金華山石室四十餘年不復念家其兄初起行山尋索歷年不得後見市中有一道士請占之道士引至金華山中遂得相見問羊所在曰在山東初起往視之但見白石初平乃叱曰羊起於是白石皆變為羊數萬頭初起便棄家留住學道初平改字赤松子初起改字魯班山谷詩牧羊金華山早通玉帝籍楊用修云山谷答俞清老寒夜三詩云云引黃初平事言之蓋黃上世亦出金華也按陳後山詩云黃公金華伯則山谷之出金華審矣

玉井雙流

雙井在今寧州西二十里黃山谷所居之南溪有二井土人汲以造

茶為草茶之第一山谷有送雙井茶與東坡詩為公喚起黃州夢獨載扁舟汎五湖東坡答云江夏無雙種奇茗汝陰六一誇新書又山谷答黃冕仲索煎雙井詩家山鷹爪是小草皆指此也

煎瀘川之茶

忘酸寒之異味

山谷煎茶賦余嘗為嗣直淪茶因錄其滌煩破睡之功為之甲乙建溪如割雙

井如盧日鑄如鑄其餘苦則辛螫甘則底滯嘔酸寒胃
令人失睡亦未足與議或曰無甚高論敢問其次浩翁
曰味江之羅山巖道之蒙頂黔陽之都濡高株瀘川之
納溪梅嶺夷陵之壓軌臨邛之火井不得已而去於三
則六者亦可以酌兔褐之醜淪魚眼之鼎者
也韓詩雲夫吾兄有狂氣嗜好與俗殊鹹酸賦棘道之

笋尚冠冕於兩川

山谷苦笋賦棘道苦笋冠冕兩川甘脆恒當小苦而反成味溫潤鎮密多

啖而不疾人蓋苦而有味如忠諫之可活國多而不害
如舉士之皆得賢是其鍾江山之秀氣故能深雨露而

避風煙食肴以之閒道酒客為之流
延彼桂斑之夢永又安得與之同年獨憐胸次書傳之

香

山谷詩搜攬十年燈火讀令我胸中書傳香莊子喜
怒哀樂不入於胸次山谷詩胸次不使塵俗生又胸

次九流
清似鏡

方從此中文字之樂

山谷詩邑中亦有文字
樂惜不同君澗谷槃

鴈

驚鉗左而摘右端使然哉鳳凰自下而升高恐不免耳

其淒其一別瞠若百罹

俱見前

立館下招諸生歎齏鹽之

無味

進學解國子先生晨入太學招諸生立館
下送窮文太學四年朝齏鹽互見前

坐堂上

稱太守驚杞菊之已蒞

東坡後杞菊賦吁嗟先生誰使
汝坐堂上稱太守前賓客之造

請後掾屬之趨走朝衙達午夕坐過酉曾杯酒之不設
攪草木以誑口蒞或作杪禮記注援蒞也謂摩蒞出其

香汁也

方欲求拔薤之規乃聞對哦松之壁

見前

桃李春風

一杯酒尚佇來歸

山谷寄黃機復詩桃李春風
一杯酒江湖夜雨十年燈

風霆劇

談九河翻願安承教

山谷詩落筆塵沙百萬
奔劇設風雲九河翻

回江原郭縣丞

允升○江原即漢蜀郡江原縣地
在今崇慶州東南三十里唐初置

唐隆縣屬蜀州宋改江原縣屬崇
慶府今縣廢府降為州屬成都府

屣履迎門未遑執贄

王符傳皇甫規解官歸安定白符
在門衣不及帶屣履出迎展或作

躡履不躡跟直不疑傳躡履而
迎注謂納履未正曳之而行

文書銜袖猥沐贈言

韓文

文書
銜袖 仰佩鳴謙之光

易鳴謙貞吉王弼注鳴者聲
名聞之謂也又謙尊而光

俯深

盱豫之悔

易盱豫悔遲有悔象曰盱豫有悔位不當
也正義云盱謂睢盱睢者喜悅之貌

恭

惟某官見聞殫洽

西都賦元元本
殫見洽聞

意氣醇明發而中節

謂之和見於眉睫

睫本作眦說文目旁毛也列子察其眉睫之間而得其情魏書崔亮字敬

儒年十歲家貧傭書自業時隴西李冲當朝任事亮從兄光往依之謂亮曰彼家饒書因可得學亮曰自可觀

書於市安能看人眉睫乎粲然有文以相接示乃肺肝董仲舒傳粲然有文以相

接雖然有思以相愛所慙先施之未能更覺微言之難受尚書子旦已受

人之某欲還鯨錦杜詩錦鯨卷還客始覺心和平懼損繭緘韓詩書饒鰈言

繭淨雪難如雖則七襄終乏檐榆之報藏之十襲永為篋笥

之珍俱見前

回新津縣丞

庭傑。新津在今崇慶州東南十里本漢武陽縣地屬犍為郡後周

始置新津縣徙犍為郡治于此隋初郡廢以縣屬益州唐屬蜀州宋屬崇慶府今府改為州縣仍屬

馬隸成

都府

吟哦公事藍田丞端使然哉見前觀采風諶益州分故知

之耳

後漢書方伎傳李卻善河圖風星縣召署幕門候吏和帝分遣使者微服單行觀采風諶使者二人

到益部投卻候舍時夏夕露坐卻因仰觀問曰二君發京師知朝廷遣二使耶二人驚問何以知之卻指星示

曰有二使星向益州分野故知之耳互見前有勤迂顧更費屬辭恭惟某官

齊武子之家

史記孫子武者齊人也以兵法見於吳王闔閭卒以為將西破彊楚入郢北威齊晉

顯名諸侯孫楚叔敖之胄史記孫叔敖者楚之處士也子與有力焉虞邱相進之於楚莊王以自

代也三月為楚相施教導民上下和合世俗盛美政緩
禁止三得相而不喜知其材自得之也三去相而不悔

知非已

枕流漱石尚有典刑

孫楚傳楚少時欲隱居謂王濟曰當欲枕石漱流

云漱石枕流濟曰流非可枕石非可漱楚曰所以枕流欲洗其耳所以漱石欲厲其齒

擲地作金

粲然文采

孫綽傳嘗作天台賦辭致甚工初成以示友人范榮期云卿試擲地當作金石聲也榮期

曰恐此金石非中宮商然每至佳句輒云應是我輩語

淹回貳令之壁鏗鏘十室

之絃有憐并州之迎已孤竹馬

見前

安得祁山之出能辦

木牛

蜀志建興六年丞相復出祁山以木牛運糧盡退軍與魏將張郃交戰射殺郃十二年春悉大衆由

斜谷出以流馬運

或錫之鞶

易或錫之磐帶終朝三褫之說文鞶大帶也注以訟受服榮何可保

願還此笏

新唐書褚遂良傳帝將立武昭儀召遂良入
遂良極諫因致笏殿階曰還陛下此笏丐歸

田十鍾一石自昔固病於西南

漢食貨志時又通西南夷道作者數萬人千里

負擔餽餽率十餘鍾致一石
師古曰言其勞費用功重

三令五申須君更教其左

右

孫子傳令之曰汝知而心與左右手背乎前則視心
左視左手右視右手後即視背乃設斧鉞即三令五

申於是鼓之右婦人大笑復三
令五申而鼓之左婦人復大笑若為委翰頗似過情甚

已控需章句還節傳

需節卦名

承夙駕之命弗敢與聞

詩星言夙

駕左傳使臣弗敢與聞

補晚賦之章願安承教

晚或作輓東坡遠景樓記酒酣樂作

援筆而賦之以頌黎侯之遺愛未晚也詳見前

四六標準卷三十四